


輿地考

關防城郭

文獻備考



Handwritten text in a stylized script, possibly Arabic or Persian, located at the top of the page.



東國文獻備考卷之二十五

輿地考十三

關防一

城郭

一〇都城〇歷代版等附

馬韓都城龍華山城石埴

三千九百高八尺

新羅都城金城

在慶州府東四里

始祖王甲申土等

三國史長三千

七十五步廣三千一百八十五里

月城形如半月故名或號在城

在金婆娑王辛丑土等

三國史周一千二百三十三步

滿月城在月北

等

三國史周一千八百三十八步

明活城

在月慈悲王移居于此石

松年

等

三國史周
千九百六步

南山城

在月

土等

三國史周
千八百四步

始祖

以來處金城至後世多處兩月城

高勾麗都城長安城土等

周五千一百六十尺高十九尺

平原王丙

牛自平壤城移都于此城中有安鶴宮古址

金富軾曰唐書云平壤城亦謂長安城而古記

云自平壤移長安二城同異不可知也

百濟都城慰禮城土等

周一千六百九十尺高八尺

內有井一

漢山城

詳見下

柳馨遠曰輿地勝覽廣州日長山城即

武王時所等畫長城周四千三百六十步此即

南漢山城南漢世傳溫祚舊域而勝於所載如

此豈以百濟舊都而文武王復為修築

半月城

在扶餘

抱扶嶺山而等兩頭抵白馬江形如半

月故名石等

周一萬三千六百尺

高麗都城顯宗時姜邯贊請城京都

松命李可道士

等

周一萬六千六百一十七尺厚十二尺廊屋四千九百一十間

有崇仁宣旗保

定光德德山會賓仙溪安弘仁乾德保泰宣義撥

猊永平仙巖慈安彰信迎陽安和成道會昌安定二

十二門用丁夫三十萬四千四百人

分五部曰安定坊東部曰安

奉香曰令昌曰哲令曰楊堤曰弘仁曰蒼令南

曰德水曰德豐曰安興曰德山曰安申西部曰

曰五正曰乾祐曰鎮安曰杏川北部曰正元曰法王
曰興國曰五冠曰慈雲曰王輪曰堤上曰舍乃曰獅
子巖曰內天王中部曰南溪曰興元曰弘道曰鸞
溪曰由巖曰慶羊曰廣德曰星化口以上古都城

補王可道令人持傘環立登高而進退之均其濶

狹以定城基凡二十二年而功畢周二萬九千七

百步高二十七尺厚十二尺

輿地勝覽云羅閣一萬三千間

自即

位初起後至己未始成

王可道即上李可道城周與本文不同

補恭愍王七年以修葺京城訪耆舊大臣侍中致

仕李齊賢上書曰我太祖東征西討統三為一之

後七年而薨用瘡痍之民起土木之後所

故不城松京非不為也勢不可也至顯王初契丹

躍蹀京邑燒毀宮室當時若有城郭之固契丹未必躍蹀燒毀若此其甚且易也顯王二十年始命李可道等開京城郭厥後金山王子引兵而來西海忠清道沙平津北無處不至不得八京都余古車羅大屯兵黃橋又不能八京都以有城郭也城郭之當修無智愚皆知之矣既定此議雖有陰陽忌諱確然不改然後可就也

補九年先是欲遷都南京

漢陽

遣前漢陽尹李安修

城闕而乃卜于太廟不吉故不果遷又營白岳新宮白岳在臨津縣北五里時人謂之新京宰相欲

壞南京宮室移營白岳揚廣道按廉使金先致啓
曰今壞南京宮室恐百姓缺望王驚曰予實不知
乃宰相自為之即命勿壞

補辛禡三年十月崔瑩以京城濶大難守請募內
城徙之

補恭讓王三年門下評理金湊上書曰庚寅以來
倭奴肆虐剽略人民郡縣無城堡難以固守望風
奔潰以致四十年生民之患自修城堡之後倭寇
不能侵掠生民免於俘獲此目前之明效也今都
城額地非社稷長遠之計也乞於農隙集諸道丁

夫更廣內城舊基修築之王師之湊復跡曰今者
諸道民間修城之令受國廩至京都乞督役司及
期修築王以役巨命待後年

本朝太祖五年發民丁二十萬築都城

翻正月始役徵西北面安

州以南民十一萬九千二月晦放軍八月徵江原慶
尚全羅民夫七萬九千九月畢役平壤伯趙浚監役

補柳觀上定都論畧曰古今所都不越乎關中洛

陽况我國四境之內不過萬里可都之地豈能多

有惟松都與漢陽善之善者也去年春定都于鷄

龍民咸憂之以其形勢狹隘而土地污下道里不

均而水路迢遠也今之遷漢陽也民咸喜之漢陽

形勢土地道里水路與松都相似以民心觀之則漢陽誠殿下天命之所都也上從之

補教曰城者國家之藩籬禦暴保民之所不可不備故前歲之秋徵發京畿揚廣海西交州江陵之民以修都城大役之餘隕命者多予甚愍焉其放等城役徒仍復其家三年

補成倪叢話曰我太祖開國有移都之議先相地于鷄龍山之南已審察京邑規模未幾而止更定鼎于漢陽三角山西延曙驛坪則為美壤後更相之皆山外背走之勢不如白岳之南木

覓山之北為帝王萬年之地與天無極矣諺傳
松京山谷環抱有包藏之勢故世多權臣跋扈
者漢陽西北高而東西下故長子為輕支子為
重云

補權近曰神誌秘說以秤喻三京三角山南為
五德立喻秤錘五德者中有面岳圓形土德北
有紺岳曲形水德南有冠岳尖形火德東有楊
州南行山直形木德西有樹州北岳方形金德
補權文海韻玉曰道誦秘記西有孔巖又有丹書
石壁孔巖則二地皆在西湏覓丹書可決乃得丹

書於仁王洞石上遂決意建都

世宗三年改修石等

周九十九百七十
五步高四十尺

立門八正南

曰崇禮正北曰肅清正東曰興仁正西曰敦義東北

曰惠化

國初號此門曰弘化中宗辛未以兩門名混改曰惠化

西北曰彰義東南曰光熙西南曰昭義

國初號此門曰昭德章順

王后上謚後改為昭義○介五部四十九坊中部曰
澄清曰瑞麟曰壽進曰堅平曰寬仁曰慶幸曰貞善

曰長通東部曰崇信曰蓮花曰瑞雲曰德成曰崇教
曰燕喜曰觀德曰泉遠曰興成曰彰善曰建德曰仁

昌南部曰廣通曰好賢曰明禮曰太平曰薰陶曰誠
明曰樂善曰貞心曰明哲曰誠身曰禮成西部曰仁

達曰積善曰餘慶曰皇華曰養生曰神化曰鹽松曰
盤石北部曰廣化曰陽德曰嘉會曰安國曰觀光曰

鎮長曰明通曰俊補太上王與羣臣語及都城頽圯
秀曰順化曰義通

不覺淅零曰都城不可不修大役將興人心惡咨然
不暫勞則不久逸吾當其勞以逸遺主上不亦可乎
右議政李原對曰都城猶家之藩籬今禾穀稍稔不
可不修於是乃置籌城都監發諸道丁夫三十餘萬
以明春籌之太上王問兵曹曰今天氣甚寒籌城軍
夫在道遇寒得無有凍死者乎對曰諸道皆委守令
押來豈至寒凍乃分遣宣差諭領軍守令曰風寒則
止日暖乃行勿令一民凍死若有死者具錄以聞後
聞多有死者責趙未生李明德等曰籌城軍死者甚
多卿等匿不以聞何異於指鹿為馬乎

補宣祖朝都體察使柳成龍劄曰我國形勢無如
都城之險固蓋漢江與臨津環繞前後東北則有
高山大嶺橫截遮蔽而西有大海環之即所謂天
險也

補燕山十年秋等內都城撤去城基外人家

補大典宮城底限百尺勿許人構屋法制雖如此而
宮城咫尺之地民居擲比宣廟朝偶覽有壓宮城造
屋者即令依法典一併撤毀

補光海二年李恒福交河置京議曰古之遷都非
無故而為之周遷岐下衛遷帝丘避狄難也晉遷

新田邢遷于繹為民也盤庚遷殷為水害也周公
遷洛為朝聘也三代以下無無故而遷者也臣未
見其䟽不知䟽中道何事或傳其謂漢京氣竭而
山童此係望氣者說非全出於山家古人云道不
同不相為謀是謀非臣所能及也事體如是故唐
德宗城奉天只與桑道茂謀未聞一時大臣如郭
子儀崔祐甫輩與聞其政道不同故也且吾東國
亦有望氣之術耶如從術家而論則山之背向水
之來去氣之聚散當并論而叅驗試以中朝南北
京言則周時術士已言今之南京之地有天子氣

故至秦始皇因東遊而壓之如知有王氣何不遷
都之如其都之雖以二世之昏秦不亡耶後世吳
晉相繼立都皆亡不旋踵不識二國亡時其地之
氣亦竭耶然則何故宋齊梁陳南唐皆都於此耶
今之北京周呂公所封也北燕之亡其氣已盡則
遼金興元迭都於此何也此皆臣之常所未解者
也意者古時必不以風水與氣為遷都之法耶周
公之法土方氏掌土圭之法建國都鄙太卜掌三
兆之法國大遷則貞龜視祲氏掌十輝之法以觀
妖祥辨吉凶周武王云粵瞻伊洛無遠天室周公

亦云卜得澗瀍惟洛食至召公而營之只誠小民
為祈天永命之本以疾敬德為誠小民之本未嘗
一言畧及於方位之論古之不用地術明矣若曰
氣竭而山童晉之勾注松栢淵藪齊之牛山威宣
之時孟子已言其濯濯春秋之末晉最先亡齊最
後亡傷在其山童與茂耶國綱解弛弁亂八今
不責於紀綱歸咎乎山童為山者豈不寃乎臣未
鮮地事惟鮮人事家國一體吉凶同科嘗見世人
太上樹德種福其次服藥延年其次殖財貽後最
無策者疾病灾殃百禳無效術窮而為移家避方

之計以僥倖於冥冥萬一之中轉徙不已鼎缺瓢
亡家益旁落困窘益甚此足為鑑矣臣之愚計姑
盡人事大戒於國修德勤政然而國逾弱民逾怨
然後別議以圖可也

補臣謹按此條非係城郭亦非遂事而交河
置京之議自是當時大議論而若無李恒福
此議則不惑左道終不至遷都亦不可必謹
為收錄於城郭條俾作後日之鑑戒

補肅宗五年兵判金錫胄上劄曰日昨賓廳三大
臣皆言南小門舊有而今廢堪輿家言少陽方閉

而不開故國家於隣趾螽斯之慶每女子多而男子少今若尋其舊址以通少陽之氣則宜有吉祥善事且云南小門乃金安老所擅閉亦不可不開云工判吳挺緯尤主其說臣與挺緯往見所謂舊門基仍請差出勾管堂上今則始役之日不遠臣於日間略閱方書及地志又有不能無訝於心者蓋少陽之本位在正東河圖之畫少陽居三而有得五成八之妙洛書之畫少陽亦占茅三位於菑於書俱置三數於左左即東也天三生木木震天象震又東方卦坤求於乾得初爻而為震故曰一

索得男此震之所以為長子之方者也太子之所
居曰春宮亦曰東宮而其義蓋皆取諸震而東南
則艮也方技之家又有一說木生於亥而終於未
則自亥至卯陽氣方生而日向於盛皆可以屬之
於少自震至未陽氣已盛而將趨於衰皆可以屬
之於老辰巳則為艮所居以卦則為長女以五行
則為金之始生金亦陰非陽也其所謂少陽之方
者實未有所據且輿地勝覽即我成宗朝所撰集
而中宗庚寅命李荇等增補者也後一年辛卯安
老始逐荇而代之又七年而敗死舊門若果見開

於安老用事之時此書即安老未用事時所成此
門應在於符所記載之中而今考都城城郭條京
城八門南曰光熙云則臣未知所謂光熙者果即
南小門之正名歟抑亦水口門之本號歟今者城
門已準八數而若復開此門則京城當為九門似
有乖於祖宗朝建置之初制亦非古者分其間正
按方設門之義也至於安老擅開云者尤無明白
考按之實不過閤巷無根之談而已恐不可諉以
初既定議遽然興作云事遂寢

○補二十八年右議政申琬上疏請修城池其略曰

我國山川之險阻甲於天下而因山為城中國之人最稱難攻丙子彼人揣我國之所長如白馬之當塞安州之崩壁一不交兵故獨能取勝若使其時清野據險乘疲出擊挫其先鋒則彼安敢深入而元帥賊點乃棄洞仙青石之險使敵如八無人之境至蒼黃去邠心腹先潰京城之儲蓄為彼所據南漢之孤城為彼所環內外斷絕號令不通於八路儲胥不支其半朔江都之敗報猝至一城號慟無復可恃且若非冰合之時松坡大津難保利涉其時國事之至於此極者皆由於西藩失守都

城先棄之致豈非後日之鑑戒乎今之議者以為
晚有事變當以南漢江都為必歸之地越津之南
漢尚且如是况於都海之江都乎公私得達之難
敵鋒捍禦之勢又萬萬不及於南漢所恃者只一
衣帶水而海浦異昔昔日之沮洳不得泊艤者今
則無處不可停泊一丘孤島四面受敵其勢難支
不待智者而可喻今若思上下相保之道為與民
共守之計莫若固守都城故曾於壬辰去邠之時
朝臣多有請守都城而以其濶大且多守城所忌
故終不見用矣臣曾見彰義門外蕩春臺舊址處

北漢白岳之間自文殊至仁王周圍三十餘里四面巔巖壁立如削仍山累石只設筭堞處三分居一二分全筭處亦皆險固其中最低下者彰義門一路百步濶耳若於北岳之右麓仁王之左阜附筭雉城對壓賊路設砲轉石以遏其衝突雖有萬衆莫敢誰何而北郊之上佛巖之西雖非石峯峯勢岌嶮外多山角逾越陵壑十餘里之後可迫城底若因山脚間設瓮城矢石相及則賊不敢近城也外雖險阻內甚廣濶足容數萬戶京中之人民而衆望之水匯合蕩春臺下四時不涸且與北漢

相接傍通樵路而佛巖水口石峯陡絕常時挽輸之路則無異康莊臨亂據守之勢有同鉄關三角諸峯白岳仁王斥候瞭望四面百餘里皆在眼底賊兵多小行路往來可以歷歷俯察而京城三江亦能旗砲指揮大興南漢江都洪福並峙相望烽燧可通犄角相倚若論地形可謂天作之險也今若預置倉舍三江倉穀預為運入軍門器械公私蓋藏亦為輸入或有未及運入者則雖警急之中以都下四萬戶九萬丁壯不過一兩日可以盡輸而扈從臣僚守堞軍卒父母妻子同在一城無骨

肉分離之慘有同舟遇風之勢不待勤王之師都下民丁足以守禦矣都城地勢雖曰平低難守若與新城表裏相應並力固守則彼為強弩之末勢我則以逸而待勞坐使賊兵進不得仰攻退不得所掠孤軍深八之賊何可久留於城下哉且城形勝山勢險遠並抱三角諸山若又築洪福山城與之相連賊衆雖多決不可環而攻之既不能環攻則聲息相通於內外號令可行於遠近矣

補三十年頒議政申琬筵啓籌城之議臣固已屢達矣北城既極險阻且是都城咫尺之地若於緩

急之際大駕駐蹕都城士民同力堅守則雖動天下之兵決難盡圍亦無攻拔之勢真所謂金城而論議不一舉皆沮賊臣意以為雖不能籌北城都城乃其次也若能曾籌而堅守則亦是為根本之計外定信地內修都城外有難犯之勢內有必守之計則豈不為大計哉使五部圻民同守而使各軍門修籌則何慮其不成也又曰北城自白岳至北清門一帶橫截籌城而沮撓之議猶以後為言以其一帶山岡與都城後地勢相接皆是壓臨之地若使賊先據則都城決不可守必欲守都城或

設長塼或退築長筭然後可無登高俯臨之慮故
臣與將臣論此事則皆願一往看審其形勢試使
兩局大將一番同往看審何如從之○左議政李
畬曰我國保障之地有江都南漢山勢雖云單薄實是天險亦
大駕難八江都南漢山勢雖云單薄實是天險亦
足為避兵之所至於北城之計臣意與首相稍有
不同都城雖曰濶大北城周圍比都城加五里云
地勢險阻勝於都城亦不可謂不濶若以新筭北
城之力增修都城則似可易就而都城乃廟社所
在士民所託與民共守各使護其父兄保其妻子

則孰不欲盡心死守乎都城東西低平難守而若
設雉城則亦可為固堅守都城事順理得曾在土
辰唐將見漢城形止以為足以堅守而惟北門外
岡及鞍峴高壓為忌云以臣所見鞍峴則不足忌
而北門外岡亦豈無防禦之道乎吏判李濡曰仁
王山曲城俯臨鞍峴北清門之上地勢高峻之處
多設兵器使賊不敢接近於其外則非所慮也上
曰予意自初以都城為濶大難守矣都城之籌初
非為守城計故元不堅固今若改籌則已只令五
部修繕似無益矣

補同年訓練大將李基夏尹就高

時御營大將

同承命省

審都城圖形八啓後八侍時韓城君李基夏曰此乃
都城畱而此峯則狗蹲峯也都城山勢自此八來而
狗蹲一枝東落為貞陵主脉此則都城之後帳也若
於其上設籌外城以為捍禦之處則甚好而即今物
力有難並舉只設墩臺三四處亦足為防守之所蓋
其溪谷深邃峯崖高峻非賊兵所可隲突者也又指
一峯曰此則馳駱峯也一枝東走突臨城中便成窺
峯不可不嚴防必設墩臺數三處可盡防守之道而
自東大門至水口門地勢平行最為低下此則必須

別加高筭務令完厚如中原平地筭城之制可容十馬隊五馬隊者且設堦子然後可以防守矣又指一峯曰此則木覓一枝之東走漢江者而俯臨城中一如駱峯設置墩臺亦當如駱峯矣自禹壽臺新門外則間有山岡雖不如東邊之低下必須內外高筭一如東門之制方可守禦而至於鞍峴與曲城相對矢石雖不相及大砲則必至必筭墩臺五六處以防賊兵之占據而尹就商則以為不必筭墩云大抵都城至尊所居必須堅完厚實而卽今雉堞圯毀無一全完者反不如外方節度使之所處豈不寒心乎尹就

商

時左

曰臣意則以都城濶大似難保守北門客峯

尤為可慮矣今番則與訓將偕往看審其形勢則都城來脉自兄弟峯逶迤起伏左落一枝斗起為狗蹲峯作為城北之後帳以人居地論之雖似有益以守城之勢言之城北低微高峯壓臨比如壯者之抱兒俯瞰者然如為賊兵所據則雖有高壘奇兵恐難守禦此是必爭之處也自狗蹲峯西而迤下一派為白岳於此兩間設置一墩使之連接於狗蹲而仍列四五墩則表裏有相助之勢賊兵無壓臨之患矣且三角文殊等處不無舊城寺刹近來或存或廢若自軍

門勾管招集僧徒常加存恤以為緩急之用則亦可
為一助也至若鞞峴則訓將以為設墩為便而臣意
則似有不然者鞞峴與曲城雖曰對峯曲城自是高
峻本非鞞峴之壓臨也彼雖以大砲及之豈可無防
守之策而大砲我亦有之此不足深慮且鞞峴獨立
孤絕無他聲援雖設墩置兵賊若來圍絕其樵汲則
墩上之兵將不刃而自斃此則不必設墩也大凡都
城南北則山勢絕險頗有因山為堞之處舊等亦多
完固從容修改尚未晚也但東西地平城低最為踈
虞不可不廣高改築耳領議政申琬曰以險阻而言

則北城為勝故臣曾主北城之議而都城則宗社在此臣民在此此誠一國根本之地既不能籌北城則無寧籌此以為根本之計耳嘗觀中原城池多在平原而以其城池完固人心不搖故能堅守而取勝矣若無對峯則固好而雖有窺瞰之山亦何能盡避乎大計一定之後則人心庶可鎮定故臣雖不能膠守前見而以形勢言之則北城之險固非都城之比矣左議政李畬曰綢繆之策不可但恃海防故宜先定陸兵信地以為控扼之計以事勢言之則都城為宗社士民之所在先為增籌壯固根本堅守勿去實為

長策北城雖云險固若以都城與賊而縮入北城則與賊藪隔一城門能使人心堅固臣實不敢必也以臣思之奉君父棄都城入北城實未知其有萬全之計也臣意則莫若先籌都城以其餘力徐籌北城未晚也今之言者以為若守北城則雖虛都城賊不敢入云而賊勢充斥之後大駕始當入北城既不能使賊不至都下而謂不敢犯空城臣不敢信也都城固為濶大事力實有所不逮即今修籌雖云重難而若能堅籌使民有固志則城內之民無非死守之卒也不患兵少難守惟在得將而任之又移入倉穀使我

飽賊飢則雖欲久留不可得也臣意則以籌都城定
計為當定計之後議定期日以漸完籌則不至勞民
動衆庶可成矣申琬曰人之短北城者多以為一隅
之城不能禦賊云而臣則以為不然北城處於都城
之後實為壓臨之勢何可比之於一偏耶以形勢言
之所謂拊背之勢也李畬曰在我能制敵之勢則領
相之言然矣而既不能制敵終至八處北城則都城
為必失之地既為子母城不保母城能保子城豈不
難乎都城改籌之役固重而若籌北城則城堞之外
又當有宮闕官廨倉庫等營繕之役其為費力必倍

以此計之都城北北城工役難易懸殊矣李基夏曰
頃日自上以都城濶大為教聖教至當而募念城大
難守者蓋謂城濶軍少不能分排而然也今則不然
自上既為駐驛都城則五軍門兵卒其數甚多即今
都城男丁十一萬九千餘名畿內人民之避賊八城
者又不知其幾何城若不廣則何以容接乎臣則當
此之時城反為少矣雖以時存人丁言之十一萬之
中或有在外未歸老弱不能守堞者餘在實數必不
減五萬餘名城堞應守之處不過六千餘堞一堞五
名自可足守而以五軍門士卒則豈不恢恢有餘乎

兵曹判書尹世紀曰王城雖在常時不可不修一番
功役不可論也然亦不可專恃一處丙子之亂大駕
若入江都則必不至取敗至今人皆恨之矣今此都
城雖云濶大若定守城之計則自鞍峴至龍山如瀋
陽之等外城然後當通江都不但有運糧之道朝廷
命令庶有遍及八路之便南漢亦宜各別修築以為
都城左右翼矣上令諸宰各陳所見吏曹判書李濡
工曹判書洪受憲刑曹判書俞得一韓城君李基夏
兵曹判書尹世紀校理李晚成等皆以修築都城為
是申琬曰都城既已定計修築之役則三軍門自當

主之五部坊民亦令分授平時則修籌臨亂堅守此誠大計而今已定計之後外方巔阨定為信地各令堅守之計亦當次第講定矣今日之計有同内外交修之道内修都城以為根本之地外定信地以為死守之所今日之計莫過於此都城雖堅外方關巔無防守之處猝然遇賊則人心豈不崩潰而都城人心亦安得堅固耶外方信地不可不從速講定矣上曰勿為遷延速則舉行可也

補三十五年兵曹判書金宇杭啓頃年以守城大計欲改籌體城五軍門皆有分授定計多費物力

浮取石子今為虛棄之物女城改築功力必不浩
大各以分授之處并力始役則完築不難分付各
軍門修築女城驪城將額處亦用舊石仍為修築
似好從之

補乙酉年間右議政李濡以都城築役令三軍門
改定分限隨毀隨補事磨鍊節目未及施行而適
及至丁亥右議政李潁命劄請依節目舉行命備
局詢問諸大臣領府事南九萬以為軍門設立本
意欲鍊習技藝精備器械以為他日舍死命禦敵
衛國之計也今使此軍不定期限長為土石之役

豈是設置軍門本意哉且以軍門言之則雖為重役以都城言之則百年內難望其盡為完城欲為百餘年後完城之計目前先使三軍門既竭其財物長為科外之力役厚招其惡其為得失豈不懸絕乎即今都城修補之役繕工監役受價於兵曹募軍為之兵曹給價每以減數為主故其所補繕繕等隨地無有已時今若自兵曹計價出給於軍門將校輩解事者使之監督堅繕而大將亦為檢察則所繕之堅固必勝於繕工監役之所為而小朋類之患必不如前之頻數矣且念朝家若以都城

城守之計為必不可已之事則勿問民惡勿問費財舉一國之力期必於一年二年之內雖有他弊其事則庶可成矣今欲不動民力只使京軍門當其役不限年月不計遲速則勿論他日得力與否其事豈有可成之理乎且今籌都城設若金湯異日既有不幸大敵入境將近京城則上下人情必不但恃都城而晏然不去設或不去堅守而敵兵四圍則到此地頭一國盡入敵手國家之所保者只一城內而已圍城中軍民凡有役無役男女老幼皆仰食於國家必無繼糧之理且都城乃是油

滑姦民之淵藪國勢弱而賊勢強則意外難言之
變必將不日而作矣以此言之都城事勢只可為
平時防限巡警而已如或為敵則圍則必不可守
矣伏想祖宗朝創籌本意如是包絡廣濶焉者其
非城守計決然可知

補戊子時有加籌都城之議領議政崔錫昇啓曰
必審其當守不當守然後可籌不可籌方可論也
傳曰諸侯有道守在四境此言國治而有備則防
守之道在於疆域不在於國內也使封疆之臣得
其人素講於預備之策則雖強寇勒敵不至於王

都城守之慮是則為不必守之地也守城之道愈小愈堅成敗得失雜見於史冊軍志四十里為城而能守者未之聞也是則不可守之形也國俗善驚不能持固武畧不競人心多怯不幸有狗吠之警大小士民波崩昇沸恐無鎮定之理是則不可守之勢也云已而不果籌

補英宗十九年教曰今者籌城之議左相

宋寅則以

為都城決難保守而恣我使

具聖

則以為可守欲增

設雉城固守勿去其利害果何如領議政金在魯曰都城東西兩邊地勢平低未免虛踈雉城之設籌固

好而閭家擲此處則為難便宋寅明曰京城則決不可守殿下之欲守都城雖出於不忍棄民之聖意臣恐未終臨急反為棄民之歸矣具聖任曰都城雖不加籌足以保守而東西平夷處雉城不可不增籌矣

補同年都城門無樵樓處並令設立門樓

補箕子元年籌城郭

以下版籌

補新羅婆娑王八年七月籌加召

今居昌

馬頭二城下

令曰國家西隣百濟南接伽倻德不能綏威不足畏宜葺城壘以待侵軼

補逸聖王七年二月修長嶺柵以備韃靼

補奈解王二十九年八月籌烽山城

補沾解王十五年二月籌達伐城立今天

補儒禮王九年改籌沙道城以備倭

補慈悲王六年以倭人屢侵疆域籌緣邊二城以備

之補十一年九月徵河瑟羅人年十五以上籌泥河

城補十三年籌三年城奧役三年訖功故名石籌周
三千六百九十九尺最堅固

補炤智王八年正月徵一善丁夫三千命伊奢實竹

改籌三年屈山二城補九年七月葺月城補十五年

置臨海長嶺二鎮以備倭

補智證王五年九月籌骨火等十二城

補真智王二年十月等內利西城

補真平王十四年等南山城周二千八百餘步補十五年等

明活城周三千步西兄山城在慶州西七里仙桃山周二千步

補二十四年等小陀畏石泉山甕岑四城以逼百濟

補四十六年等奴珍等六城

補太宗王三年押督州摠管金仁問等獐山城

補文武王三年正月等富山城在慶州府西補十三年二

月增等西兄山城九月修等諸城增等沙熱山城今清

風及國城古薺長城今忠州北兄山城在慶州府東召文城

城今義州耳山城首若州走壤城今春川達舍郡主岑城居

列州

今晉州

萬興寺山城軟良州

今梁山

補

十五年九月

緣安北河設關城又籌鐵關城

即缺

補神文王九年籌西原城

今清州

補十一年籌南原城

補孝昭王三年十月籌松嶽

今開城府

牛岑

即牛岑

二郡城

補聖德王二十年七月徵河瑟羅丁夫二千籌北原

補京城二十一年冬發丁夫三萬九千餘人命角干

元真監籌毛伐郡城

今慶州地

遮日本賊路

周六千七百九十餘步

景德王改籌臨關時倭寇頻至置軍營於海涯鑿三海子以防之

補景德王二十一年五月籌五谷

今瑞興

鵠巖

今鳳山漢

城獐塞

安今遂

池城德谷等六城以固北邊

宣德王壬戌移漢山民戶於湏江鎮

憲德王十八年命牛峯太守白永發漢山北諸州郡人一萬籌湏江長城三百里

輿地勝覽平壤故蹟有湏江鎮而云憲德王八年命牛峯太守白永籌長城或云鎮在牛峯縣之湏江

臣謹按新羅職官志湏江典云宣德王三年置大谷頭上大谷今平山府鎮之在於大谷可知也新羅之界不踰湏江則鎮之不在平

壤甚明而牛岑太守特當時籌城主事之人也又不可疑其鎮在於牛岑也

補高勾麗太祖王三年二月籌遼西十城以備漢

補山上王二年二月籌九都城

補東川王二十一年二月籌平壤城

補故國原王四年八月增籌平壤城補五年正月籌

國北新城補十二年二月修九都城及國內城

補廣開土王三年八月籌國南七城以備百濟補十

八年七月籌國東虎山等六城移平壤民戶

補陽原王二年七月籌白巖城補八年籌長安城

榮留王十四年二月籌長城東北自扶餘東南南至海千有餘里凡十六年畢補二十五年正月命東部大人泉蓋蘇文監籌長城五年而成

補百濟始祖八年王患隣國來侵籌馬首城立瓶山柵樂浪太守使人告曰聘問結好義同一家今逼我疆造立城柵其有蚕食之謀乎若城不墮柵不毀請一戰決之王謝曰堅城設險封疆之固也豈敢以此渝和執事若特強出師小國亦有以待之由是與樂浪失和補十一年設虎山狗川二柵以塞樂浪之路補二十四年立熊川柵馬韓王箕準使人讓之曰王

初渡河無所容足吾割東北百里之地安之其待王
不為不厚宜思有以報之今以國安民聚謂莫與我
敵大設城池侵我封疆其如義何王漸遂壞其柵補

二十七年築大豆山城

補

三十六年築湯井城

今溫陽

又修葺圓山錦峴二城築古沙夫里城

今古阜

補多婁王二十九年二月築牛谷城以備靺鞨

補蓋婁王五年二月築北漢山城

補肖古王四年五年二月築赤峴沙道二城以備靺

鞨移東部民戶以實之

補仇首王四年二月設二柵于沙道城側東西相距

十里分赤峴城卒戍之

補責稽王元年修阿朝城蛇城以備高勾麗

補近肖古王二十八年七月築城青木嶺

補辰斯王二年麗濟互相侵代百濟發國內民年十

五以上設關防自青木嶺北距八坤城西至海以為

固

補腆支王十三年七月徵東北部民年十五以上等

沙口城

補蓋鹵王十五年十月葺雙城設大柵於青木嶺分

北漢山城士卒戍之

補文周王二年二月修大豆山城移漢北民戶實之

補東城王八年七月籌牛頭城補十三年七月徵北

部民年十五以上籌沙峴耳山二城補二十三年七

月設柵于炭峴

今扶餘地

以備新羅又籌于加林林

今林川

補武寧王七年五月立二柵於高木城南又籌長嶺

城以備靺鞨補二十三年二月徵漢北民年十五以

上籌雙峴城

補聖王四年十月修熊津城

今公州

立沙井柵

補威德王二十六年二月籌熊峴松逌二城以梗新

羅蒜山麻知峴內利西城之路

補高麗太祖二年十月城平壤補三年以北界鶻岩

鎮數為北狄所侵命庾黔弼率開定軍三千等大城

守之由是北方晏然補二十一年秋等西京羅城補

二十二年城肅州安州

補定宗二年春等西京王信看識決意移都命侍中權直發丁夫等之

補光宗元年春城威化鎮今雲山後又城撫州及安朔

鎮并今寧遠補十一年澈海亡自契丹東京至我安北府

今安州數百里之地皆為生女真所據至是王取之等

隰忽今嘉山松城二城補二十三年二月城雲州今雲山

補二十四年二月城和州今永興

補成宗三年命刑官李謙宜城鴨綠江岸以為關城

女真以兵虜謙宜而去不克城補十四年命徐熙深

八逐女真城安義城在龜南興化在義州南二鎮及宣孟二州

在宣川孟山

補顯宗二年八月籌西京皇城補七年十一月城宣

鉄二州補十四年冬城耀德鎮今永興補二十一年城

寧德鎮

補德宗元年春城寧仁鎮補三年以北界隣強胡命

平章事柳韶創置開城起自鴨綠江入海處古國內

界在內城東跨威遠在今義州南二十五里興化在今義州南二十五里

靜州在今義州南寧海今未詳寧德在義州東南四十里寧朔在義州

州東一百二十里雲州安水清塞平虜在永柔北三十里寧遠定戎

似非義州定界孟州朔州等十四城由東界耀德在永柔西一百二十里

里靜邊在永柔東六十里和州等三城傳于定平都連浦海

濱在府界者長三周其隍舊稱三關門延袤千餘里

石等高厚各二十五尺古記云在義州至江者長三百步在九龍湖北者長四百

十一是役也契丹遣兵來爭不克而去右古定界長城

靖宗元年等西北路長城自松營迤東以扼邊寇之

衝又城梓田徙民實之號昌州亦定界長城補六年冬城

金海府補七年春城寧遠平虜鎮右僕射崔冲行邊

拓地置二鎮及諸堡十四補九年城寧朔樹德二鎮

補十年城宣德鎮十一月籌長定二州及元興鎮城

并今定平東北面兵馬使金合基掌籌三城分屯要害水

陸捍賊補十二年遣兵部郎中金瓊自東海至南海

沿邊籌城堡農場以扼海寇之衝

補文宗四年三月城寧朔鎮在義州東一百二十里以扼藩賊

要衝

補睿宗十四年秋修長城仍舊城增籌三尺補十三

年三月西征元師金富軾令州鎮軍分隸五軍各籌

一城於西京城下又於順化縣今順安王城江籌小城

補高宗九年正月崔瑀發南軍城宜州和州鉄關等

要害之地以備蒙古知奏事金仲龜曰比來州郡民

皆流亡今無警急而遽又徵發則邦本不固將若之

何瑀不聽補二十年冬等江都外城二十四年又增等補三

十七年八月等江都中城補三十八年城金州以備

倭補四十六年蒙古使周者陶高等來毀江都內外

城郭兵民皆悲泣曰若知如此不如不城

補恭愍王七年八月城西江

補辛禡三年七月修等諸都山城時以倭寇修等諸道山城多發軍丁

不日畢功而旋致崩壞憲司請令守令徵發傍補八邑軍丁農隙修葺未畢則傳待來年以為例

年秋遣使巡審諸道山城(補)十四年修漢陽重興城發京城坊里軍修之

(補)本朝成宗十九年上每留意關防諸道籌城之役次募告成兩南則順天之突浦南海之古介鎮東萊之金山鎮巨濟之玉浦固城之唐浦泗川之三千鎮西北則安州之節度營會寧之豐山堡端川之鰲青口雲龍鎮等城凡十數又命松都守臣修舊城

(補)仁祖四年城南漢山南漢山一名日長山本百濟故都距京城四十里天作保障迺廢之後領議政李元翼延平府院君李貴達請籌城遂命摠戎使李曙

掌其事至是乃成移廣州邑治于城內以廣州田二千餘結屬之山城補九年城鉄山之雲巖山徙副元帥鄭忠信之請也又城雲山之龍角山徙雲山士民等之言也

補孝宗六年城安興鎮

補肅宗元年冬籌全州威鳳山城

補英宗九年十月宋鎮明言平壤城甚窄又有窺峰宜增籌中城上從之

補二十九年籌宣川東林山城即勝國時舊城址而關西直路之關防也

東國文獻備考卷之二十五

東國文獻備考卷之二十六

校正

輿地考 十四

關防二

城郭 二〇京畿
〇忠清道

京畿開城府永安城開城廢縣西禮成江上有土城

遺址世傳高麗懿祖作帝建所居 敦禦塹城 今歸仁門

俗號善提塹城 初弓裔因王隆言築此城移都三年還鉄原

補內城輿覽我太祖二年甃築 周二十里 有五門

卯山城在西二十三里土築 周四千四百十尺高十三尺〇右諸城今皆廢

大興山城肅宗二年設等石城松都誌周五千九百

五百有五門補礪峴鎮城英宗六年等○嶺路青石

洞 龍峴 鵲嶺并西大興洞路北大 鮑峴路東

江都內城初石等周一千六百五十八步仁祖十五年為兵亂

所毀肅宗三年改等前面以石後面以土三十六年

改等比前稍退四面地步周十五里三百四十三步外

城初土等周四十三里二百九十步英宗二十二

年留守金始煥燔壁改等高二尺倉城為倉庫設石等

周七百三十三步鼎足山城一云三郎城在南三十里

世傳檀君子三郎所等本朝璿源閣史閣在其中英

宗十四年改籌城周五里梁高麗古宮城高宗時土

籌外城周三萬七千六百尺內城周三千八百七十尺遺址尚存高麗山

城土籌周一千三百七十二尺補甲惠城備局瞻錄周一千一百四十

七

廣州南漢山城即溫祚古城新羅文武王又籌日長

城石籌周四千三百六十步本祖仁祖四年改為石籌周六千二百九

十七步女堞一千八百九十七甕城三一周三百四

十四步女堞一百九十一周二百七十六步女堞八十

十一城節合一百十五有三門十六暗門內有井

八十池四十五英宗二十年重修連珠峰城石築

周二百三十一蜂巖城在東五里肅宗十二年石築

步女堞七十三

周九百六十二步女堞二百九十四三十一年增築砲樓五汗峰城在東門外甫

宗十九年石籌英宗十五年改籌今上三年重修周

堞百九十五步女二百七十一補長慶寺城周一百二十七補新南

城一名南格臺甫宗四十五年更築周七百四十三

十八〇以上諸城並今上已交重修坪古城在廣津上野中世傳百濟

防戍處土築周七里〇嶺路沙斤峴大理輔峴大路

緇山總說二十險川峴路天鶴峴揪峴并南路〇七

及龍仁嶺路廣峴見利川雙嶺有大小刀磨峙并東

龍撞峴路北

揚州北漢山城在京都北三十里東北距本州三十

里管於京都肅宗三十七年設城石築

周七千六百二十步女堞

二千七百九十七

有四門二暗門

大母山城在西五里石

築

周九百六尺

水鉄城在北五十一里與積城水鉄城相

對

周三百五十七尺

揚津古城

備局謄錄作廣津城

在南峨嵯山東崖

土築俯臨漢水與廣州坪古城隔江相對三國時防

戍處

今皆廢

○補講武亭備局謄錄有廢城○嶺路蟹踰

嶺

坡州路

碌礬峴

有大小二峴

所沙峴

昭寧園路

鬱岱峴

高陽路

干

坡峴

見積城嶺路

磨峙峴

加平路

車踰嶺

九曲遷

并東路

補

祝石嶺

見抱川嶺路

補全道峴

○補栢峴

楊根路

交河鰲頭山城

輿覽作鳥鼠城山城

三國時所設石築

周千餘步今廢

坡州鎮山城

輿覽作城
山古城

三國時所設石築

周二千九
百五尺

內有井二泉四本朝宣祖朝重修廢今補東西北三面

有門樓西北隅有砲樓中朝遊擊將軍趙佑書天設

形勝國西重門八字以揭之長山鎮城在北二十

里臨津邊石築

長百步

築墩八所英宗三十一年設置

補坡山城備局謄錄有廢城

豐德白馬山城

周四
十里

內有井七十三

今廢

喬桐邑城石築

周一千六
尺曲城四

葦蓋山城石築

周三千五
百三十四

尺高三
丈

內有池一泉一英宗十三年改築

古縣城在

北十里遺址尚存

長湍德津山城在府西石築久廢光海時修築今廢

補瓠蘆古壘在東三十二里瓠蘆灘上積城有二壘

隔江相對因石壁為固世傳三國時古壘○嶺路加

勿覘羽寧路頭覘 蜂覘并連川路獺嶺東路

楊根咸公城高麗時邑人避蒙古于此石築周二萬九千五

十尺今廢○嶺路清凉嶺 勞多嶺 老味覘洪川界并北路月

溪遷西路

永平古石城有二一在東十二里周一一在西十五

里周二里皆今廢○嶺路慈燈覘金化路赤木峙加平路

抱川城山城四下崎嶇石築周一千九百三十尺今廢內有井二

光海十年改築置中軍仁祖元年罷補堅城備局騰

錄有廢城○嶺路虎現路永平屈峙時有大小二祝石嶺

見揚州殪化嶺 石門嶺 檜巖嶺并楊州路

陰竹雪城在西三里周五里今廢

積城吐吞城在西三里即古七重城石築周二千五百五十六

尺內有井一深不測 阿彌城輿覽作阿末城在東十八里

石築邑誌云周一千二百七十五尺與揚州水鉄城相對者只阿彌一城疑水鉄阿彌而而編錄者

失於區別水鉄城在東十里今皆補六溪城在西七里土

築周七千六百九十二尺今廢世傳古關基○嶺路雪馬峙揚州路

干坡峴西路○見自作峙 牛象峴坡州路廣石峴長端

路

驪州娑娑古城在北四十里有小山臨江宣祖二十

五年倭亂僧將義嚴繕修石築周一千一百步今廢補古山城

輿覽在北五十三里石築周三萬八千八百二十五尺

竹山古竹州城在東五里高麗高宗時宋文冑擊走

蒙古兵於此石築周三千七百十四步本朝宣祖朝重修建砲

樓今廢○嶺路沙瑟峴陽智利川界獐項峴安城路桂峴利川路

周傑峴鎮川路

利川倭城在西五里周一千五百步古城在北二十里恭愍

王時石築周二千四百步雪峰山城石築周五千二百十三尺今皆廢

國時所築

○嶺路廣峴

見廣州嶺路

絕音峴

在大路

水原禿城山城在東七里石築

周五里女塚三百三十三尺

○補宣

祖壬辰都元帥權慄據此却倭兵

府城土築

周三千三

十五尺今顏府

○補安城瑞雲山土城在南二十里

周三里今府

○補金岡山

城

周二里今府

○補洪秀男土築在南十五里

周一千八百尺宣祖

二十五年倭亂洪秀男起義兵討賊處○補飛鳳城備

局謄錄有廢城

○補高陽高峰城

○補幸州城備局謄錄並有廢城

○補漣川寶蓋山古城在東北十五里石築

周四里三

面險峻石門對峙中有井

補金浦北城山古城在南五里

周二千六百五十尺高十尺今廢

富平桂陽山城三國時所設石築

周一千九百三十尺今廢

嶺路星峴

永宗路

南陽花梁城在西三十里古唐城縣基

周三千七百七十七尺

唐城在西二十里

周二千四百一十五尺

石山城在西三十三里

石築

周二千九百尺今皆廢

仁川南山城石築

周四百三十尺今廢

補高山城補濟物城備

局謄錄並有廢城

通津文殊山城在西二十里肅宗十九年幸厚陵時

望見此山遣承傳圖形以來翌年春始命築城石築

周十五里一百二十九步 雉堞二千一百七十三 有三門 童城山城在東

二十里石築 周八百七尺今廢 ○嶺路水踰峴 江都路

安山古土城在西二十五里 周九千五百六十尺今廢

龍仁寶蓋山城石築 周二千五百尺 慶仁山城在南二

十五里土築 今皆廢 補石城 補姑母城備局謄錄並有

廢城 ○嶺路秋峴 見廣州嶺路作秋峴 直谷峴 路南 下雨峴 東南路

曲道峴 路北

陽城無限城在南十里石築 周一千三百五十尺今廢 內有池一

補陽川城山古城石築 周七百二十尺今廢

衿川永卽城志云永卽城在東十里三聖山石築周一

千三百五十尺有大井一 虎巖山城在東五里虎巖山石

築

周一千六百八十尺今皆廢

有龍湫祈雨

補宣祖二十九年兵判李德馨看審重興洞山城

形勢後書啓西北遶外城則三角峰屹立傍遶二

峰鱗次列立城子自茅終峰腰始趨下到溪口傍

巖止焉南遶外城又自溪巖始起上到西南最高

峰止焉城有石門舊址即西門中有一條路直抵

于重興寺八內城有石門路分為三一由東門往

來一由東門釋伽峴而下一由文殊峰達于彰義

門俯瞰蕩春臺前野從釋峴迤南而西山勢漸斗
起為文殊峰自文殊而三峰西走連亘與洞口外
城所起所謂西南最高峰者相接勢極險惡牛耳
洞沙乙閑里京城沙峴弘濟院左右道路歷歷在
目前城子又自彌老峰始起循道成菴上嶺又從
釋伽峴而上到文殊峰止焉此其大勢也四面山
勢斗起絕有十餘人防守則賊衆累萬無如我何且
重巖複嶺遮擁遠近賊雖欲圍城其勢實難若於
峰腰要害置墩哨瞭而積粟其中堅守下洞口及
道成嶺釋伽峴數處有天險萬全之形設令賊兵

八其中又有兩鼠闢穴之勢莫測我兵所藏多少

都城近處有如此形勢而棄置可惜

北漢以下

補李頤命彊域閑防圖說曰百濟古城在三角山重興寺北石築周九千五百十七尺或顏或完基址完然寺前有跨川作城之形中峰有中城舊址寺南又有石作小門石扉尚存世傳百濟中葉嘗都于此城石門即其宮門豈近古肖王移都于漢城又築此城仍營宮闕時時八保以保韃靼之衝突歟溫祚好築山城本紀所云十四年所築漢山城者無乃此城歟其山北有仁壽白雲萬景峰東

轉為釋伽普賢文殊峰又南轉為七星羅漢甌峰
穴望義相峰白雲峰西轉為靈鷲元曉峰義相元
曉對峙水口連峰削立外面絕險飛鳥不能度川
流不竭處處出泉西水口稍低濶城內岡麓截岸
澗壑深邃重興曹溪傍近之外地勢少平夷壬辰
有修築此城之議大臣李德馨往審曰可以設險
而山後路到白雲而折今則仁壽白雲之間
有小路可通人步行議未
定而止宣朝末年又有是議重臣往審而亦不決
今庚寅有海賊之警議保障之所大臣有以揚州
洪福山近京都勝於江都南漢宜築城又有以北

漢為言者上命大臣將臣往審諸議多以此城為
當築辛卯乃命訓禁御三軍門分築之仍舊基稍
加變通城周七千六百二十步堞二千七百九十
七門四暗門二以水口低濶重興寺下築中城建
行宮設倉庫三軍門各置軍營儲餉械募僧營十
餘剎設經理衙門使大臣領之重臣主其事三大
臣亦兼管

補又蕩春臺洞條曰在乾義門外本歲義寺故地
燕山時設離宮遊宴其後離宮毀而設造紙署於
川東其洞在三角白岳兩山之間三角之文殊峰

東支為九茅峰又為狗蹲峰南為白岳是為洞之
東漳文殊西支為僧迦碑峰南迤為佛巖是為洞
之西漳佛巖又與仁王北麓對峙甚隘東洞中數
三澗道合流為水口洞形迤長四山周遭如城地
勢比北漢低平今上辛巳右議政申琬請築城連
都城以為緩急八保之地朝議不一而止及北漢
改築而判府事李濡經理其事上言孝廟嘗歎曰
我國少有兵亂都城先潰公私蓄積皆付敵人修
築北漢山城又塞造紙署洞口以為臨亂移御之
所公私人物皆保無事敵人心欲來爭是敵人送

死之地今旣修築北漢宜塞造紙署之口以成聖
祖遺意乃命水口置城門築左右翼城數十步洞
中置北城軍倉及宣惠別倉以儲餉穀又請築土
城於東西障脊北傳北漢南接都城難者以為三
城難守連壘非計議久不決

補金錫胄士戍與頌相書曰歷見大興後又見正
方又見慈母大興雖曰難棄筭久實用正方最近
大路固是莊兵遏敵之所而久守則必敗唯慈母
絕好形局頗與南漢相似以此思量南漢之無難
可知至於弘福則天然結聚又勝於南漢即今時

議皆以此等為非而鄙意則以為決然難舍筭近
處無石為一大欠今若專付一人以百餘石工專
意鑿石又一人專意燒甃限三四歲不掇最後調
用僧軍或限年分築以十年為期則必無不成之

理

以下
洪福

(補)李願命關防圖說洪福山條曰在揚州西南十
里外與佛谷道峰三角紺岳木山相連綴距京城
五十里山形拱抱如城郭周遭十里內平夷多水
田川澗流出東南洞口成潭仍成數十丈飛瀑下
為深淵自數十年前已有築城移邑之議而多異

論且以山無可伐之石不果行蓋此自鉄嶺南至
京都無一關嶺此則三國以來韃靼女真所嘗衝
突之路不幸北路諸嶺失守由安邊踰鉄嶺由德
源出防墻平康鉄原數百里無一誰何過揚州則
乃京都豈不寒心議者以為揚州地廣民衆不下
於水原廣州誠宜獨設營鎮一如水原使當一面
且置一城積儲倉廩保聚士女以為臨急清野之
計如欲置城莫如此山外勢險峻自然成城周遭
不甚廣濶去邑治不遠移設非難且與北漢相連
為犄角之勢近京關防恐無踰此山若無石或燔

甌築之或土築為好云

補甫宗三十六年判府事李願命遙啓國家脫有事
變無可往處近日廟議都城以濶大難守舍之有海
寇則八南漢有北憂則八江都綏已定棄矣江都之
天塹固好而有海寇之憂則不可往南漢則亦有天
險而東則有疊障西南斗絕平臨廣野丙丁之被長
圍而內外牆絕以其無外山之聯絡故耳且周遭大
而外有窺峰亦非萬全之地也臣昨年過見洪福山
周回陁於南漢三角諸山疊峙於後四面皆山一面
則小坪賊兵雖欲圍之實無其路且其可築處亦少

南門北門自是天設川流貫中當中有可設將臺處判府事李濡曾為揚州牧使陳達於朝欲築此城而論議不一中止矣臣既目見則京城咫尺東西大路甚平北清門路雖險而人跡可通曹溪之路僅可通馬而此雖在遠方亦可築城况在近地乎曾前先輩亦多言之故相臣金錫胄及驪陽府院君閔維重亦皆以為宜築而即今大臣之意亦以為為好矣判府事李濡曰臣曾為揚牧時見其形便實合築城而其時大臣已為稟定邑居仍欲移之矣論議不一未免中止今李瀕命目見而陳達矣南漢雖曰天險而猶

多欠處洪福則無窺峰而勢甚峻急賊無接足之處
水泉亦多北門則地平而谷深僅通一車外有一大
野人之出入農作甚便賊兵則不敢窺矣山形雖非
如南漢之石山而以其斗絕故雖土築亦無難守之
慮矣石議政金昌集曰曾於議築北城時以洪福可
築之意陳達於榻前矣臣雖未及目見而山城基址
之險阻曾所稔聞南漢雖險而以其孤絕賊來易圍
此則諸山環繞賊兵豈能來圍乎且距京城四十里
南漢則隔江丙子年適以水合之故能涉而此則坦
坦大路無津涉之事設有蒼皇之舉易於趨入欲通

外面聲息則亦多山谷之可行處其形便非如南漢
之比既無窺峰又多水泉節節儘好若能築城則為
國家得力之地無過於此矣判府事徐宗泰曰此議
自舊有之故相臣金錫胄深曉此等事而曾見其文
集中有洪福勝於南漢之語以築城為宜臣既未親
見而蓋其山勢彌亘且與北漢有一線通路雖當寇
賊以數萬兵必不得長圍固非南漢之比既無津渡
此最為便矣但聞近處無石功役殊未易判府事李
濡以為土築亦好而自古土築雖多有之駐蹕之所
土築為城恐難恃以為固矣李願命曰水口南門邊

多石其處則可以築石而曾於京城修補時燔甃不
難若以甃築則亦無異於石築矣江都雖曰天塹若
值水賊則不可往况渡兩津無得達之勢南漢若非
水合時則百官三軍之衆何以利涉乎洪福無津可
渡此誠便好處耳兵曹判書閔鎮厚曰頃年以此事
下詢也刑曹叅判金鎮圭以為多設保障國力難支
若築洪福江都南漢中當捨其一處云其言亦自有
理今必欲築之則宜輟都城之役專意於此城軍器
糧餉皆自都城移置不使南漢江都力分可也計定
之後使諸軍門分授築城仍為移置各其蓄積之物

則無異於都城矣工曹判書金錫衍曰洪福形勢臣
雖未目見曾所飽聞矣即聞大臣所達則形便之可
城悉如前日所嘗聞者蓋江都南漢國家所重而江
都則雖有天塹之險中有兩津蒼黃奔赴之時難於
渡涉誠如諸臣之言南漢臣亦見之真可謂天作絕
險之地而此亦有津路既有不幸則乘輿雖渡百官
軍民何能盡渡乎今若築城於洪福以作他日依歸
之所則豈不誠好哉上曰有海寇則不可往江都者
曾已下教南漢天作之險而圍之則孤絕江津有之
倉卒難渡都城濶大難守且年年隨毀隨補完後無

期故未免中輟此非執改而然也洪福無津渡之備
事甚便好大將出往看審後稟定可也

補同年訓練大將李基夏承命洪福北漢西城基址
看審書啓臣於十月初十日承命出往洪福基址看
審蓋在京都行龍大過峽處而去京城五十里自佛
谷前峯所謂凡乙於山北出一枝轉而向西又轉而
南東出一枝轉南向西中出二崗茅一崗為弘福青
龍內水口山茅二崗為外水口山而四面險阻且無
切近窺峯築城周圍以內水口茅一崗為限則比南
漢差少以茅二崗為限則比南漢稍大而其欲以茅

二崗為限者蓋慮城內水泉不足故欲取茅一崗下
龍淵之意也以目今水落時觀之則誠有是慮而然
聞谷中居民之言雖於大旱谷谷有水氣故每患水
田太冷逢旱然後始得云以此推之則泉井之不足
亦似無患矣且以外勢言之城在絕險之內而賊無
圍住之勢我有傳通之路凡干命令可以循山而行
古今以此地謂可合築城者此也茅其為地四面五
里之內無可伐石之處必當取之於十里之外而城
之四方高峻絕險運一塊之石當十倍用力其勢固
難若欲用土或燔甃築之數年之內完役難望且其

內外諸山見方濯濯取柴無路軍兵炊爨亦將何仰
即今山內只有十餘村家無他閭落今若牢定築城
之議則宮闕府庫與百官止接之所不可不為先造
作而軍餉則曾不留意者未知料理推移於何處此
皆猝難辦集者也至於北漢則臣出去之日路由東
道審望山之形勢還歸之日路由西道又見山之形
勢東西兩邊絕險無比而仁壽峰白雲臺萬景臺三
峰是為三角山屹立于後稍西曰露積峰下有重興
寺而萬景峰東轉逶迤為釋伽峴晉賢文殊等峰文
殊展翼為兄弟兩峰又南為狗躡峰白岳山而自文

殊峰一枝轉西為七星峰七星出兩枝落為羅漢甌
峰穴望義相諸峰至重興水口一枝西走為僧伽峰
香林寺後峰白雲峰西轉為驚嶺元曉兩峰至重興
水口而止焉四面諸峰鉄壁如削自成城郭人難接
足真所謂一夫當關萬夫莫開者也故相臣李德馨
文集中雖曰主山後路到白雲而斷焉問于僧人則
仁壽白雲兩峰之間有一鳥道傳命可通其他東西
南三方則載下往來雖未可為之步行則不難云矣
臣之八重興寺也路由水口有石門舊址即所謂西
門也城雖崩圯尚有石築基址而進入內城又有城

門此則距寺數百步許若稍加修治亦可以通牛馬
任載而城基內山谷之間處處有水雖大軍留屯似
無不足之患而山上松木古甚茂盛松虫之後雖不
如前深峻處猶頗長養比諸南漢樹木而似有勝焉
都城不遠之地有此天險之處仍為棄置誠可惜也
茅念局勢殊不寬敞人無可居之處而惟重興寺上
邊文殊寺之東曹溪寺之西左右洞壑地勢少平稍
有土膚不至束狹似可以人居也顏毀城子人雖曰
修補則可而若非改築則不可矣既有餘石及累石
山石雖可成功高峰絕頂則用力倍他恐難容易也

補李奮議曰今以都城難守欲擇於傍近險固別設一城以為表裏之勢則北漢似勝於洪福臣嘗聞其地勢內外俱險不如南漢之內平然此是濟祖所躬築而其後移都過百年則亦豈不足為一時駐蹕之所乎但此亦須有經紀都城之計然後庶可兩全不然而欲但恃此為固則四山險阻當與賊共之其為孤危之勢恐未必有愈於南漢矣抑臣之所憂不在城池之不足而在於民志之不足若民志定則隨其水陸所宜江都南漢豈不足以禦賊若民志未定則鉄壁金城皆虛設也

補三十七年上以北漢山城築城形便事下詢于八
侍諸臣判尹李彥綱曰南漢鉄瓮等處則雖曰絕險
猶有寇賊薄城之慮而此處小無可慮水口稍似低
平兩邊俱有削立峻峰其間不至濶遠足可防守漢
尾嶺大砲雖或越來於外邊淺近處必不及於深處
亦不可以是為病又或以狹窄為言而城基周圍三
十里內東邊及西北門內地勢稍平行足作軍營及
倉舍此外長谷處處有之似無狹隘難容之患都城
至近之處有此天險他日國家不幸有避兵之患奉
君父於萬全之地計無踰於此矣承旨韓配周曰築

此金湯之地則實為國家深遠謀而脫有事變國家
可無去邠之憂都下士民亦皆攜其父母妻子同八
一城則莫不以死固守皆為精兵銳卒何患外寇之
衝突何患守城之不固耶以北漢為駐蹕之所使一
二大將兼守都城則都城亦無失守之慮而與南漢
聲勢相倚足成犄角之形豈非萬全之計耶上曰今
此北漢乃溫祚舊都而實為天險都城咫尺有此天
險之地若不及今修築則又待何時乎請守都城之
意非不好矣而第周回濶大終不可守今此欲城北
漢者是與民同守之意也前日則惟以水泉為慮矣

今聞水泉亦多云險阻既如彼難得矣水泉又如足甚矣若待廣聚而決定則事難成矣決為築城可也副校理洪致中曰有糧餉然後可以守城雖金城湯地無食則不可守也百官軍兵及守堞士民其數不必下累萬國家將何以供給乎若有糧絕之患必須自外運入而南漢既以孤絕為欠則此處孤絕無異於南漢矣東西南三面皆有廣野留陣之處賊以大陣分屯三面間出遊騎往來抄掠則糧道絕矣援兵亦阻矣不待賊兵薄城而其勢自危固非萬全之地且既入北漢則並守都城決知其難矣若不幸都

城失守賊兵入據則以北漢孤危之地何能盡容都民乎亦何以久守孤城乎且內地稍平然後易於往來接應而此處則內亦絕險云賊若犯城倉卒報警則調兵往救之際賊已登堞矣我軍有仰攻之難賊兵有建瓴之勢雖以地形言之其險不足恃矣上曰夫都城濶大難守故前後儒生武臣之請予皆不許矣江都則海寇及水獫時非可恃之地南漢則以渡津為難此則距都城至近無異都城故欲與民共守而人之所見如人面之不同若必待諸議俱同然後作事則無可成之日真所謂待汝議論定時虜已渡

江者也定築之後設有未盡措置者猶可八守矣今
若一年二年無一定處則將何往乎軍餉等事不過
節目間事且與遠地有異商量措置似不難矣

①補張維南漢城記曰南漢在京城東南四十里本
百濟舊都也歷濟羅迄麗氏千有餘歲城之興廢
不可復攷今上踐阼之明年國家多虞議者多言
畿輔近地宜有保障首相李元翼迄平府院君李
貴達請修是城初命青原君沈器遠掌其事尋遭
喪去院豐府院君李曙代其任以甲子九月經始
丙寅七月工告訖城周若干丈尺中有伽藍館二

倉庾靡不備具大抵中平而外隆襟袍固密艱勢
雄厚城冠山巔掘隆而包平城中井泉甚多冬夏
不竭門之外崖谷盤錯羊腸百折四面山勢嶄絕
不可躋攀惟東南隅山脚稍坡陀為設砲樓三乾
維有小峰可瞰城內為建一臺築甬道以屬之城
遂移州治于此儲胥民物隱然為一雄鎮

以下南漢

補肅宗十九年閏照

時右議政

遂啓曰南漢山城築墩

處臣與守禦使吳始復同為看審則自東城望月
峰至汗峰其間七八百步俯瞰城中一半而大砲
則下及甚是要害之處只築墩臺守卒單弱緩急

之際若為敵所奪據則似反有害相距既不相遠
若從城外築甬城使汗峰入於其內則似好矣吳
始復曰今若設墩於汗峰自汗峰至新城東隅連
一完築以為遮截東邊大路則誠為萬全矣上曰
依所達連築可也

補三十年右議政李濡啓曰臣待罪守禦使時往
審南漢形勢則蜂巖增築之城定基不善又將自
此周圍汗峰而築之太涉廣濶蜂巖所築若從其
地形最高處而改築則步數可以減縮又從汗峰
至於長慶寺所在本城而別築夾城則蜂巖汗峰

兩城之間矢石相及賊兵必不敢入如是設築則
功力亦省而前已始役中輟矣此是關係利害之
地不可不急速完了刑曹判書金鎮龜曰臣待罪
本廳時亦嘗往審矣望月增築之舉即故判書臣
李世華為守禦使時事而曰連凶旋止矣觀勢繼
築所不可已而今若務為廣濶則不但功力之浩
大亦有害於防守之道不可不更審其形勢而加
築矣左議政李畬曰臣嘗因往來槩察南漢形止
舊城基址可謂天險而蜂巖新城病於太廣汗峰
營築處亦然古稱城小而堅守城之法不宜廣濶

蜂巖汗峰只慮敵人之窺我不必周圍廣築而豈
無防守之道乎李濡曰若自東林寺後從高處改
築又自汗峰別築夾城則步數比前頓減矣禮曹
判書閔鎮厚曰所謂蜂巖前日新築之處不但太
濶一邊甚高一邊低下其高處則敵人之在外者
可以窺覘其虛實右議政李濡請以改築甬道者
蓋由於此而若築甬道則狹窄難容且迤繞山脊
之際步數尚廣臣之淺見則初頭築如甬道因其
地形漸次稱廣循砌甬由東林寺以接於蜂巖之
右則城制似完備步數亦縮蓋前築處則六百餘

把右相所言築處則四百餘把今日所達處不滿
四百把矣李濡曰頃因鎮厚來示圖形與之論難
而蜂巖加築處周回太廣故臣欲縮其地為四百
餘把今鎮厚又欲縮而減之矣蓋蜂巖將臺與汗
峰相距八百餘步自汗峰至長慶寺所元城二百
餘步雖八百步之間大砲足以相及丙子亂汗峰
之為彼所據以其時我無大砲故也今則既有此
具蜂巖長慶寺兩處多數設置不得接足於汗峰
之上則實合於守禦之長策若於汗峰築城或築
墩不過以數百名之孤軍置諸其中則從其相連

之山脊乘暗城奪而據之反為賊窺覘制我之所
其害有不可言以此論之則不如不築之為愈蜂
巖將臺只可增築長慶寺之城亦宜別設大砲而
汗峰築城築墩之役並為停止不煩功力之費亦
無疎虞之慮矣鎮厚曰汗儀峰事臣方繼峯巖事
仰達而大臣先發矣丁丑之亂敵登此峰俯觀城
內城不能支者未必不由於此故頃年有築城之
議自蜂巖將臺新城之傍起築已築八百餘把卒
判書李世華又欲加築四百餘把以接於元城東
門邊而未及完築其間廣濶便一別城以何軍兵

而能守之耶右相為時之慮請徙長慶寺築以甬道踰汗峰以止而臣詳見地形則兩邊俱是絕壑中有澗水築與守皆難為力若於對敵之際或為所奪據則城內人心必致大擾

補李頤命疆域關防圖說南漢山城條曰元城四方及蜂巖汗峰皆有將臺此城四面俱險中多水泉林木可以保守故百餘年間增修不已保障之重與江都相甲乙議者以為有海警當保此城有西北之警則當入江都或以為都城雖不遠中有江津不如連陸且山在野中地勢孤絕無連絡外

通之路前事可懲不可恃為晉陽或以為丙子外
援多敗雖相通亦無益今則儲糧積草江津置船
多不必以此為憂天險不可忽云

⑧補又龍津條曰昭陽江下流為龍津八海江合
流揚根廣州之界漢南則廣州水原猶可捍蔽
南路而此津為東路初程去京都百有里上有
月挂棧下有度迷棧實為要害之地自前訓局
置屯長設倉團束一哨軍議者以為宜設小城
砦加儲粟團束兵置將領增守以備不虞云

⑨補江都志云鎮以摩尼穴口阻以童津昇天四面

環海土疆沃美島嶼羅絡禁袍固密三南之都會

京師之咽喉所謂且耕且戰天府之地

江以都下

①補江都周圍五萬五千三百六十五把內一萬六千把為山浦不築之地其餘二萬六千九百七十五把為古土築基一萬二千三百九十把為古石築基高麗高宗時築外城及中城我肅宗朝築墩臺四十八坐

①補孝宗四年京畿士人金石堅上疏請建置安興鎮為江都外援上以問於李厚源厚源對曰此地抔八海曲數十里通湖西一條路峙糧屯兵內以

表裡江都外以控制湖嶺令監司置行營為緩急
八保之地則可為閔防之大助也

補金世濂曰江都天險也島以為城海為天塹

補肅宗四年兵曹判書金錫胄等巡審江都後書啓
長峰與紫巖分峙海門為南漕咽喉煤音距喬桐數
里而近與江都人可隔水相語其島又甚廣饒戶漁
人之所聚居雖有牧馬足設一鎮長峰則土甚膏沃
人皆願入且有浦曲可以藏泊數十艘艦者亦可設
一堡東儉島潮退則與江都連陸又甚要害不可不
先置一別將古者亭障多樹林木者蓋以根株壯固

自成砦柵枝柯交互足備馳突又便於我之蔽身射
敵况此屯宿師旅之地在以蕉蘓為重不可不務為
樹木之政而斤斧所尋長養實難摩尼一山之外舉
皆濯濯取完島邊山松子擇其山阜不食之地遍耕
而種之不出數十年必有蔚然成林之效矣並從之

補定築四十九墩還進地圖及書啓曰取考麗史
高宗二十四年築江都外地而今問之府中父老
皆言即今沿海東北西三面俱有城土周遭摩尼
吉祥山後疊石為周堞者亦其遺制云巡審時視
之果然府民又皆言設墩之後須臾修完土築增

其垣埤云臣之為此行也訓練大將柳赫然囑臣言試築浦泥為城子臣依其言令一軍校董率役夫先就浦邊數席地鑿土為城塹狀潮至不圯今若依此法更修麗朝舊築則為便

補又曰麗史地誌高宗三十年築江華中城二千九百六十間中城者內城也詢之父老驗之地形皆言府治即其地而府後為松岳山山頂背臨松亭大野兩川赤北燕尾玉浦俱在眼底江北豐德松都諸山亦皆羅列於指點中前對南山西則岡阜紆迴形勢甚好東則山斷為平地且有水田此

亦可為水口流惡之所循其遺基而量之則周圍至五千餘步以里法計之當為十六里

補又曰文殊山於江都為對峰為窺山在金浦道上望見茲山特起於西北諸山中及到通津山在縣西北五六里許未及峰頂十餘步北轉得一岡稍平者俯視江都正如坐椅而觀碁局此非對也直壓倒之矣非窺也直肆然臨之矣今若不能圍而納之於一區之內為敵人之所據則江都之人舉將當食而不下咽矣而前日之議築文殊者非浪計也山既開面臨水又有兩峰駸駸西馳直抵

甲串津頭又如人之舉左右手臂高拱而遠抱者
山勢截岸外如削壁更不必治隍壘堞而不過於
山脚稍低處築石懸關則已足為城子模樣矣更
於山後背脊上設一墩可以下矚通金陽富數百
里之平野敵人雖欲出計潛襲亦無他攀援蹊徑
補九年李敏叙論江都制置疏曰自甲串至草芝
三十餘里津涉之衝要水陸之關輅而水勢狹隘
兩岸相望砲火相及而文殊山近峙於江岸主勢
高大枝麓綿迤蔽遮江岸若稍置城柵屯兵數千
則賊兵雖多不敢近窺江岸此殆天所以為江都

設捍蔽也昇天府越遼豐德地有白馬山城舊基
高麗時設鎮護江津者也臣察見沿江上下如交
河之烏頭城高陽之幸州城也為遮江都之計而
其中白馬山城最為切要海西固是江都門戶而
近安最為接近形勢相依大關利害今若專屬江
都軍兵使受節制財穀亦令收聚則蔽遮西門控
扼海路隱然為海路重阨矣本府所屬大小島嶼
羅絡周匝外護本府者頗多而其中長峰島與紫
燕對峙海口為綰轂移牧之後招聚民戶置鎮設
備則守望得地捍禦有力矣若使通津專管文殊

豐德專管白馬而分捍陸路之東北延安據其西
長峰紫巖蔽其南措置有方城壁具完則江都之
勢始可完固矣

補十年進江都地圖疏曰從前泛論江都之險者
徒知四面阻水為固而以今觀之多設外護若有
意施設不但圻湖海西之鎮望相助者控引於百
里之外近而島嶼羅絡襟抱固密洲渚叅錯水道
不測乃包括衆險而隱然中處此之為天險尤為
難得長峰注文設鎮之意亦及於前狀而更詳地
勢則煤音一島在本府之西南橫亘十數里坳近

蔽遮與喬桐為對此於擁護江都之計至為切實
其島多山而小平地有難多聚民戶而隨地募民
量設小鎮厚置守備之具臨急分兵而守之決不
可已也甫音島在注文之近西土地人戶可設一
鎮與延白對峙而蔽遮兩西海路北亦不可棄置
也可曰麗朝舊址築土為城高不過丈餘而上設
雉堞多置火器則不甚費力而江津大固矣

補同年御營大將尹趾完奏曰江華留守李敏叙請
城白馬文殊鎮江三處長峰注文二島亦欲置鎮為
江都門戶蓋白馬則在於昇天津似非要害而文殊

則高峙甲津臨壓江都必有城可以固江都上流漸滿江之時賊若猝至則前有甲津後有追騎當此際文殊有城則可以就此堅守乘便渡江長峰注文誠若門戶猶未如文殊之最急也

補十四年江都築城時因大臣奏以御營軍五百名除番赴役○八月特遣中使于江都慰諭築城士卒賜香醪六十瓶又厚賜賚仍令江華留守宣諭曰今茲江都版築之舉實出於迨天未雨桑土綢繆之策而工役浩穰若非軍門之健兒不足以竭力趨赴速了大役是予之所以依信爾等有此徵召者也然念

爾等身操版鉶勞苦實多予之矜念矣特宋帝之軫恤西征將士而已哉茲遣中官以諭予意仍加錫賚以慰其勞而又以御酒三十瓶特賜爾等縱不能遍及諸軍蓋亦投醪河流同飲之義也宜各知悉盡心王事

補十八年左議政睦耒善選啓江華土城未築處自鵲巖至寅火堡未築處步數則一萬四千四百五步里數則四十里五步而其間山上只築女牆處二千八百二十六步平地築城處一萬一千二百七步平荒斗起不費功力而當為築城處三百

七十二步云翦頭留守每等築之限界磨鍊分定
則留守每等內六里二百四十一步式可以分築
以此計之則六留守等內可以完築以此舉行之
意分付江華府何如

補南九萬與崔錫鼎書曰甲戌年前申厚載為江
留有築城之議廟堂諸臣皆徃見以築內城為定
其時有一將校同叅見者言於僕曰平城之城無
論大小本自難守况江都四面天塹既已失守之
後以平地陸卑之丘城欲為防守計其阻踞甚矣
如必欲築城江都自有天險可守之地高麗山穴

口山連延北東南其為城基之險無異南漢只有
西一面臨海而海水逼近賊兵不可得圍我人則
自可因海路通舟楫若於此處築山城則其為拒
賊之易比之平地不可同年而言且此兩山之內
本是舊府治今亦有寺刹云築城之議如不可中
輟幸望看審此處如果如言者之言定城基於此
處而允役軍役糧諸具徐徐講究且得地望才具
如李曙者專委使之勿限時月期於有成如何

補李畬與人書曰本府不可無府城蓋雖以天塹
為固駐蹕之所何可全闕垣衛雖非臨幸國家財

帛之所委積或有海賊乘虛突入則留守以下當束手被掠若有城邑則可以免此竊計此專為倉卒八保之所愈小愈堅不可務為濶大

補三十四年江華留守朴權筵啓一島周圍二百四十里內無城堞之可守者一處失守則勝敗決於即日可謂危之之甚也外有天塹內有堅城援兵四集則賊必不敢深入而久留今聞頃日筵中以必築為教而此時此役極涉重難物力亦無以支辦未知何以為計也領議政崔錫鼎曰如此巨役物力則必多入而城堞周圍必須先定而後可

以營始矣自本府到南山當為十五六里此似廣
濶役必浩鉅而備局諸宰或以為城不如大內城
十里為限為他日駐蹕之所而且為自外備禦之
計則物力亦似少費云未知此議何如也禮判李
寅燁曰曾聞江都老卒之言以為丙子敵騎新渡
之初忙忙急急顯有恒惴之狀若使其時有城可
以數日相持則敵必不敢久留矣彼旣深入腹心
亦豈無顧後之慮乎大槩江都府治前面略有城
樣而後面繚以土牆不成貌樣既有緩急無他依
歸之所內城最緊有所陳達若輯此役亦何計物

力之多少乎築城基址臣於下往時尺量則十四里矣時留守朴權尺量則城基有曲折西邊大嶺俯臨府內且東邊亭子山下有泥濘處故此兩處稍折而迂築則恰為十六里云蓋八築之後不可每舉築後南山則不可不并包而築之物力多寡有不可論惟以堅築為務似好耳大司成李健命曰外議多以為江都所恃者天塹而天塹若失則雖有內城幾何支撐乎然而李寅燁謂即今府城乃土牆豈可奉君父八此乎雖以陣法言之主將必有子壁內城不可不築此言是矣而臣意則既

有天塹不必廣大築城若依即今城基略加堅築如宮城樣子以為駐蹕之所以本府留守及他將兵之臣皆在外守禦則似為便好今若廣築至於十六里之大則必費許多軍兵可以把守若此則外禦必踈易致潰散而潰散之後安可保其退守內城乎南山雖與內城對峙若設墩臺使兵守之則賊兵必不敢通何必包八城內耶工曹叅判閔鎮遠曰築城而不為包八南山終不成城樣矣十四里或十六里雖濶比之都城不及其半豈至於濶大難守乎李健命以為不可專意內城排立許

多軍兵云而堅守天塹之際則內城有何排立軍
兵之事乎至於築役則臣意當以三年為限一年
則伐石輪運兩年則當完築役時軍丁非一處所
可獨當必調給數萬軍丁然後可期完畢矣崔錫
鼎曰領府事尹趾完為留守時以為若得米三萬
石則可築云工役木布亦到數百餘同可以容八
物力雖多營始大事豈可計較乎朴權曰南山當
面高壓若不并邑則當築南北兩城而北城前有
平地甚廣功倍矣李寅燁曰凡事預備與猝辦功
力自別以米三萬石始欲取用於賑營而役布則

分排於各道監兵營使之取用而訓局則耗弊雖難取用禁衛營御營廳各有錢布除出助役則不足之數亦復幾何上曰內城欲築之已久而始築無期矣甲申年禮判下去江都時內城設築事有所傳教而其後三四年迄無所聞矣頃日禮判還中言城事故喜聞之矣都城則守之為好而非但濶大難守不可以一二年完役故形勢甚難未免中止此役則異於都城之役始作斯半矣事變之遲速不可預定故斷定為之而使江留上來矣何用更議為哉築城之基雖入南山不過半於都城

必入南山築之而江都軍丁有難獨當僧軍發用而三軍門同力始役可也又命李寅燁閔鎮遠為三營堂上使之交替往來以為終始完役

補三十五年訓將李基夏備堂趙泰耆看審江都後八侍李基夏曰高麗穴窟兩峰俱在城西壓臨城中兩峰下流水合穿城中此乃守城所忌而且於築城之時不包南山則不成城子摸樣包以築之則周回甚濶徙某至某三處且有民塚累累亦甚矜愍矣趙泰耆曰朴權所議定城基周回甚為濶大諸議皆以稍損而狹小之為宜云而目見形

止而審量之則勢不容不並包南山乙丑年議築
內城時所定城基今雖未能詳知而其時禁衛營
占建於南山下端之內其時城基亦以南山為限
者蓋可想矣今只以城體利害言之則山勢不高
且有壓臨之兩大峰外水穿過城內俱非細疵城
基之不便不一而足然而若以江都為早晚必歸
之所以必欲築內城則城基之定似不外是若捨
南山而沿川邊擴築前面則步數殆至千餘步地
勢亦且卑濕功役甚難若以擴築之力計之則殆
至南山平腰且置數三墩於南山則計其功費幾

何添補而並築南山乎江都形勢江海環島無通
漕運天塹要害無出於此古今所謂可為保障者
是也而茅以臣淺見似非萬全之地有可慮者三
脫有緩急倉黃之際非但兩江渡涉之未易若值
嚴冬則甲串以下冰澌阻塞船路不通無歲不然
或至六十餘日此可慮者一也一島周圍二百七
十餘里之內險固之處無多而其餘無非船泊之
所蓋以曾前海泥沮洳之地今盡堅實故也且各
墩相距多不下一千三四百步之遠賊由兩墩之
間則左右矢石不能相及若於各墩間要害數十

處增置數千之兵與列墩把卒互為掎角之勢則
庶可備禦而島中老少男丁不過九千餘名其中
團東者僅至六千餘名以此分守五十墩則餘者
無幾而隨駕各營之兵當為萬名此則僅可把守
內城而已數十要害分屯之軍何能猝然辦得乎
事出倉卒外援不至而賊若乘虛迭侵則以各墩
零星之兵決不可首尾相制此可慮者二也島中
外勢既難專恃欲築內城之議似不可已而若失
天塹賊或登陸圍住則摩泥山木非我所有越海
樵船亦無可通城中雖有積粟如山何以炊爨乎

此可慮者三也。遍覽一島則耳聞目覩不無參差。又啓曰：臣祖父忠靖公臣啓遠曾為江都留守，因朝家詢問，歷論形勢曰：幅員濶大山端浦口，難於樹柵，地勢下濕，築城亦難。北自鉄串至燕尾亭，東自燕尾至德浦，水不甚廣，無非易為渡涉之地。必湏緣陸，倍加防備。將智卒勇，庶幾可守。其所設難，亦如今日訓將之言。而且曰：江海之險有不可恃云矣。其後置列墩，又築汾江土城。臣於今行自草芝鎮至甲串，巡審其土城雖不齊厚，亦足以蔽身而防禦。即今制置之形，似勝於其時，而濶大難守。

則古今無異雖如此以我國論之亦無踰於江都者四面環海真是天設之險人謀若臧則賊豈有飛渡之理浦溼之沮淤泥雖不若昔時之全好視平陸則險絕懸殊且有環島之列墩又有三面之土城我既藏身多發銃丸則賊艤似難容易泊岸且若或駐蹕則諸道勤王之兵亦當次第八守亦可以分屯要害以防不虞樵採之難誠如基夏之所陳而艤路既通亦可運柴於諸島長養之處江都一島亦為申飭山腰以上另加禁養則豈有樵採難繼之患也只是津路險惡艤隻亦無整待

之數倉卒之際固有病涉之慮而若有事也預先
八保如高麗之為則亦豈有窘迫之事也然若值
海寇則西南諸島障蔽單弱亦難保其萬全而至
於避陸寇則實無踰於江都人謀不臧天塹若失
則海島孤絕倉卒移蹕之難反不如陸地之易以
轉徙避兵之思之及此實為悶塞矣上曰我國之
恃以為保障者江都南漢而南漢孤絕終不如江
都之天塹故辛未年間固築土城者蓋欲多掛火
砲以禦賊兵也既有緩急江都當為依歸之所而
但恃天塹之險而內無捍蔽之設則長江失守之

時乃國事判斷之日若築內城則既有防守備禦之所而水路相通外援隨至則賊兵何能相持久留乎城基則前日議定時及今日兩臣所見皆以並包南山為言似當以此為定

○補三十六年江華留守閔鎮遠啓曰城基形止本小而小築則固勝於形止本大而大築者矣今此城則形止本大而出南山而小築則豈成城子貌樣乎南山低於主峰則出之猶可也今南山高出於主峰而出之賊若登南山俯臨放砲則此城豈可守乎且南山若遠於主峰則出之猶可也今自主峰頂上至南

山頂按步尺量則為一千五百步許一千五百步為四里許若引繩而直量則必不過三里許大峰在於三四里之內而壓臨於城外此可謂城子耶朴權亦以此為闊遂有品子設築之議而南山則有一大泉流為澗水而只有一泉終為不足亭子山則元無井泉城外百步許只有一泉賊若圍城則城中必渴死且前日聖教以為天塹若失守則當為退保此城云云夫天塹失守士卒潰散之際此城四面環海無他逃避之所必將走入此城而當此倉黃之際未知何人能部分潰散之卒分守三城乎設令部分此時士

卒能從將令乎必皆走入府城而南山亭子山兩城
空虛無人追躡之賊必據此兩城然則設築兩城只
以資賊矣臣晝夜思度決知品字城之不可矣議于
諸大臣則右議政金昌集以為此城未必為緩急得
力之地築之如宮牆似可故前以小築之意仰達而
若欲得力於緩急則外南山而築之果可成城乎判
府事李濡以為此城未知其必可築而築之則南山
不可不包入矣判府事徐宗泰以為品字城定奪初
以為好矣今聞倉黃之際決難分守之說此言誠是
云判府事李頤命以為築此城而不入南山果非城

子形樣云本府民情亦皆願通作一城至於等狀呼
訴故敢此請對仰達矣蓋戊子冬議築之時李寅燁
朴權與臣皆以邑八南山為宜仰對於選中其後朴
權以品字定奪臣與權每論此事意見終不能相合
矣上曰初則以邑南山為定矣物力不足故又以築
三城定奪欲作掎角之勢矣今聞留守所達區畫得
宜可謂能遠慮矣三城則勿築依所達通作一城似
宜矣

補又啓曰沿邊防守所恃只是墩臺而各墩守直
軍不過二三人孤單虛疎莫此為甚自今為始每

墩臺各以附近民人數十戶分屬之墩臺有砲聲則所屬村民勿論男女老幼一時奔八其墩同力防守而一墩放砲則各墩次次應砲以達於營門自營門即為發兵策應則其在防守之道庶不疎畧

補同年崔錫恒

時吏曹判書

奏曰巡撫之行審察便宜於

海路要衝或修城堞或築墩臺以為預防之地而江都乃國家咽喉尤宜增修喬桐永宗乃江都之唇齒亦當添兵設備南陽仁川等數邑雖曰邊海之地為守宰者手下無一領兵雖以有幹略者差送用武無

地不如托重三鎮之為得矣

補英宗三年江華留守宋成明疏曰文殊一城乃甲串東邊特立宮截之峰也登其上則俯瞰島中如坐室堂之高而視堦庭之近也不幸而使賊先據則我之師旅衆寡守備虛實悉在於指點中瞭然無一隱粵誠為江都切逼之憂也失文殊則江都無可守之勢昔在癸酉秋肅廟朝幸厚陵時駐蹕於可坐峴望見山勢即命圖寫以進仍令築城于此別降判府事移通津邑於城內至許斫取齊陵枯松木以造官舍時因城內狹窄議遂寢臣意

則不必置官府於城內縈礪處城下有基址後時
大山前帶長江局勢環合處地寬敞足以排置一
衙門衆民戶

補十五年留守元景夏上書曰顧此沁都濱海而甓
築者五十里年年潦雨土潰堞崩殆過半所見愁痛
如欲隨顧而隨築則許多財貨徒為尾閭之泄今有
一策未嘗耗國財勞民力而隱然復作匪石匪甓之
一長城何也昔王式為安南都護樹荔木為柵深塹
其外寇不能冒今使沁都遵海岸而種樹起於月串
鎮訖於昇天堡每歲春播之前秋獲之後鎮將堡將

領其士兵占幾里種幾株謹如法牒于留守留守歷
巡而考其勤慢未踰六七年可立二百里王式莫善
之柵柵外茫茫滄海為天設濠塹而防敵之謀成林
于斯沿海土性最宜枳植徃徃鎮堡多有蒙密兩南
勝國崔瑩不能破耽羅以其枳柵之蔽遮乞令各邑
多拾枳實輸納本府俾為播種宜矣

補傳曰凡事有飭然後乃行不無日後慢忽之弊自
今年依此舉行而凡事先後之人亦不無意思之參
差先者雖勤後者心異則必慢忽此不費之事曾於
耽羅亦有此規一依墩臺例著意舉行每年軍餉軍

器會計啓聞時一年所植亦為添付啓聞而鎮堡邊將考勤慢殿最其請亦是其亦著意遵行而因此而有下教者此處曾已見矣其時已慨然乎島木之濯濯近聞尤甚云非徒枳木城中植木必也著意為之事一例申飭

補英宗四十年領議政洪鳳漢劄曰臨津長山之設置城墩者既出於聖意之獨斷而臣實承命主事及其列墩次第訖役臣於由行往來之路歷觀形址城墩俱完民居漸聚若依今春搃戎使之狀聞加設數處墩臺又為長養樹木則脫有緩急庶

幾得力而所可慮者只是防守一款尚未有定計
梁誠之曰原平據臨津之險又可挈交河提豐
德扼倭寇於海口矣

柳成龍曰祖宗朝京畿有四鎮管水原廣州二
鎮在漢江之南而為其門戶揚州在國都之左
以蔽東北長湍在其後專備北方江華喬桐二
邑以在海中故無所隸屬而使之專力於防海
○呂州婆娑城水原禿城既已成形而陽城無
限山城今方修改兩邊形勢不至蕩然而中間
一條自竹山以北措置極難支保葺畿甸以衛

神京乃今第一急務高麗時設都巡問使於豐德以禦倭今當依此於南漢城中置都巡察使行營上以控制娑娑龍津右連禿城無限而又益修竹山之城使三路之勢相連而居中策應則布置脈絡始不漸續而事或有補○京城收復之勢當分為三道揚州抱川積城永平等邑之軍屬於一將遮蔽東方高陽交河等邑之軍又屬一將遮蔽西方廣州果川水原等邑之軍又屬一將遮蔽南面三面合勢迭為掎角而賊少則分兵設伏賊多則合兵攻勦仍使江原道

與東面之軍合江華之兵與西面之軍合忠清
全羅之軍與南面之軍合或引其前或推其後
相機乘便齊心一力四方雲合則京城指日可
復矣○水原之禿城衿川之衿芝山仁川之山
城皆險阨必守之要地若隨便繕治屯兵據險
參錯相望互為聲援則襟抱固密人心有恃而
不恐縱有賊兵亦首尾牽掣不敢輕突矣

李廷龜禿城山城記城居廣野之中無險阨之
阻有山斗起於道傍又無樹木望之童童然故
名禿城人視之尋常不以為奇壬辰倭寇大至

都元帥權慄轉聞入據于茲屢却賊兵於是人知茲城之得形便為國中要衝也

李泰壽曰欲備坡江則捨江內之形勝而以長湍之鎮處江外者終不如坡鎮之自內備外欲備後江則長湍形勝之緊要又不如松都之阨項欲備新免此程則松都與長湍形便不殊今宜罷長湍移松都而以長湍豐德翔寧麻田屬之以坡州為重鎮而以高陽交河積城屬之必有明識者卡其得失矣

補李頤命閔防圖說曰白馬山在豐德府南十五

里高麗築宮于山南城在其上不知何代所築而
周幾四十里今有遺址山臨昇天浦邊麗時蒙古
兵由此入江都議者以為宜修古城捍蔽西津

補又大興山城條曰在天磨聖居兩山間中有大
興寺故名其城城在重峰疊障中內外俱險今上
丙辰命大將柳赫然築之周五千九百九十七步
堞一千五百三十北門在朴淵上南門在土峴將
臺在於龍泉寺上其下有中軍營東門在迦葉峰
外西門在定光峰小西門在萬景臺外募僧營大
小十刹初置別將留鎮辛未以留守為大將後兼

管理使中軍無別將設牙兵十哨屬九邑出身癸巳本府諸色軍兵專屬本府罷他邑牙兵凡百旬管措置一如江都南漢矣

補又青石洞條曰在府西北三十里天磨山西支與聖居山北支對峙東挾峻壁削立自西關走京城之大路緣崖傍壁董通人馬盤旋徬側餘二十里南北兩口俱隘而北口尤窄兩崖間不滿三百步自昔稱天下之至險中國并陞殆不如也至今議關防者皆謂宜設一關於北口團東居民置別將以守移金川郡於舊金郊領軍兵共守受節制

松都都龍峴一名礪峴在洞西路平濶遵江而下
直通臨津此路不遮雖守青石亦無益或築行城
以守或多樹林木以防賊路云

補又白峙鎮條曰在金川郡東北五十里首龍山
之西即古斗峰之白界峴有古城址自金川統聖
居山後踰此峴南通臨津由翔寧則亦達臨津上
流即松都東北隅之要害處今上丙辰命置兵馬
僉節制使鎮屬於松都

補又臨津條曰長湍坡州之界即西關大路之要
津或青石白峙之路失守賊過此則京城咫尺無

可遮攔議者以為長湍亦大邑兵民皆靖社義兵
子孫本府乃畿右防營今作獨鎮一營之軍可以
團束與水廣揚分鎮京城兩隅如漢三輔以壯根
本且與坡州協守江津捍禦神京可以得力或以
為津西有山周遭十里外峻內夷若置一城尤有
力於江津之守津東山崖多樹木藏兵亦好云

補英宗七年開城留守李箕鎮筵奏礪峴之兩傍山
勢高峻江環山外其北則青石洞也土性甚堅築以
為城則無異石城從之

忠清道忠州邑城石築

周三十六百
十尺高八尺

五
內有井三新

羅文武王時始築 大林山城在南十五里石築周

千六百三十尺今齊 內有井一 德周山城在南五十里月

岳山南石築周三萬二千六百七十尺今齊 內有泉一 東嶽城輿覽

及備局謄錄並作桐嶽城 在東十三里石築周二千二百八十尺今齊 內有井

一 鳳凰城在西二十八里石築周六千一百一十一尺今齊 二內

有井一 古石城在西二十八里薔薇山只有基址

○嶺路毛女峴丹陽界 惡峴西路 兩大峙南路 林鳥峴陰竹界

丹陽可隱巖山城輿覽作石築周三千八十尺今齊 內有泉三

補城山城輿覽石築周一千七百六十八尺今齊 內有大井補獨

樂城補貢文城備局謄錄並有廢城 嶺路竹嶺東路

○見順興嶺路 鷄卵峴 虎踰時路并西 代峴 醴泉 檜嶺南

槐山白和城在軍袋山南二十里今

延豐嶺路松峴 大鷄立峴 東北伊火峴 補鳥嶺 並東

右三嶺并見 補周峴 南

永春古城在南七里石築 周一千五百二十尺 內有井

一世傳高句麗將愚溫達請守乙阿朝築之○嶺路

重峴 赤峴 馬兒峴 見順興嶺路 迦文峴 別退時奉化

路 每南峴 丹陽

清州邑城石築 周一千四百二十七 有西門內有井

十二 兵馬節度使營在城內太宗二年始設於德

山十八年移設於海義孝宗二年移設於此 上黨

山城在東十五里石築周二千九百十步高三丈架一十一百七十六雉城三砲

樓十內有井十五池四 父母城在西十五里石築

周二千四百二內有池 山城在東二里土築周五千二

十二尺內有井四 猪山城在西三十里石築周五百四

十五尺內有井 彌勒山城在東六十里青川廢縣

石築周五千七百七十九尺今齊內有井二 謳羅山城在東四

十里石築周二千七百九十九尺今齊內有井一 上嶺山城在東

十五里石築有遺址內有大井補古上黨城在栗峰

驛北肅宗四十二年因古址石築○嶺路華清山嶺

巨竹嶺東三日時
報恩界

沃川磨泥山城在南五十里石築周四千六百三十一尺今齊西

山城在西五里石築周二千一百一十一尺今齊
○嶺路文時見報

恩嶺長先時並東路鞍時東路列狐時南路
嶺路作孤時馬

鞍項峴東南路馬達時西北路
見青嶺路作馬時

文義燕山城在西四里壤城山上邑誌及備局謄錄并作養性山城

即古燕山郡城石築周三千七百五十尺今齊内有池一高麗太

祖遣庾黔弼攻百濟燕山鎮殺將軍吉莫超此城

稷山蛇山城在西三里土築周二千九百四十尺今齊内有井一

○嶺路夫蘓峴望日嶺并本川界

洪州邑城石築

周五千八百五十尺高十六尺築三百六十八曲城七

有四門

內有井三

月山城在西三里石築

周九千七百尺今齊內有

井一

補

驪陽山城在南三十七里驪陽廢縣石築

周六

千四百尺今齊

內有井一○嶺路孤洞峙

東路大峙海義路

木川黑城山城在西五里石築

周二千二百九十尺高八尺今齊內

有池一

懷仁虎岵山城在南九里石築

周五千一百四十尺高八尺今齊內

有井三

昧谷山城在東一里石築

周一千一百五十二尺高八尺

今齊

鎮川都唐山城在西三里石築

周一千八百三十六尺今齊內有

井二 大毋山城在東十里石築周二千六百七十尺今廢內有

井一 伊訖山城在西二十四里寶連山上俗傳古

萬弩城石築周三千九百八十尺今廢內有井一○嶺路大門嶺

安城界脅吞峙稷山界

報恩烏頂山城在東五里即三年山城也築之三年

訖功故名石築周三千六百九十九尺高十八尺今廢內有井五池一

高麗太祖十一年自將擊此城不克遂幸清州山下

有軍莊洞世傳太祖屯兵處 含林山城在北十里

石築周一千四百八十八尺高六尺今廢內有大池○嶺路燕峙西北路

熊峴 車衣峴 揪峙西南路見 文峴沃川嶺路

黃澗縣城石築

周一千六百四十尺高七尺今存

內有井一〇嶺路

秋風嶺

東路掛榜嶺南山路並見

牛頭嶺知禮鉶永時同

界補吾道時

東北路尚州界

補梨時

西北路永同界

青山猪站城在西九里石築

周二千五十尺今存內有井一

己城山城在西八里石築

周二千九十一尺高八尺今存內有井

一〇嶺路白水時

永同馬時

見沃川嶺路將軍時永同

界

公州鰲樹山城古名公山城在北三里甲子李适之

變仁祖駐蹕于城內鰲樹下故曰以鰲樹名石築周二

千四百四步高三丈九尺築八百五砲樓十有南北二門東北間水口門

外鑿一池築外城長三十五丈五尺左邊翼城

長二十五丈右邊翼城與左邊翼城同石築暗門一儒城

古縣城在東五十四里周六百八基址尚存里仁

山城在南二十里石築周一千五內有井一良化

山城在南四十里石築周一千十內有井一新豐

山城在新豐廢縣南三里石築周七百禿峴城在北

二十六里土築周一千五補德津山城在德津廢縣

南一里周七百六○嶺路義郎峙七編二十七板及

儀郎車嶺天安界○見大興雙嶺路北板峙南介峙路北

馬峙 火峴 狄踰嶺

林川聖興山城即邑城石築

周二千七百五尺高十三尺今存

內有

井三○嶺路發現

榆峴

升達峴

韓山邑城石築

邑誌周以布帛尺許之則四千七內十尺高十一尺甕城五曲城一

有井四渠一

乾至山城在西一里土築

周三千六十一尺今

齊○嶺路曲峴

鴻山界

箕峴

赤峴

全義雲注山城

備局謄錄雲住山城

在東十里

今存

李城在雲

注山北峰石築世傳李棹故居

周一千一百八十四尺今存

內有

井一 高山城在東八里石築

周五千一百三十二尺今存

內有

井三 金伊城在雲注山石築

周一千五百二十八尺今存

內有

井一 甌山城在西北五里石築

周九百三十二尺今存

內有

井一〇嶺路松峙燕岐界大峙清州界〇見栗峙碑

巖峙公州界

定山鷄鳳山城在東九里石築周一千二百尺今齊內有井一

〇嶺路松峙公州界孤峙 獐項峙青陽界直峴扶餘界大

峴青陽界

恩津皇華山城在北十里石築周一千六百五十尺高六尺今齊摩

耶山城在南二十里石等周五千七百十尺今齊內有井二

懷德雞足山城在東三里石等周一千九百六十尺今齊內有

井一〇嶺路迭峙東路雞峴界

連山達伊城在大苑山四面絕壁削立環擁作城真

可謂天作之城其中可容數萬兵而但井泉不多似
難守城世傳高麗時有土賊達伊者據守山城恣行
侵掠官軍討之不能克圍守踰年望力克之故號達

伊城 外城在西十里世傳三國時所築今伊里城

在兜率山今北山城在北二里石等周一千七百四十尺高十二尺

今內有井一○巔路開恭時鎮岑界黃山巔珍山界羅移

峙路南

尼城魯山城在北三里石等周一千九百五十尺今

扶餘邑城有土等遺址 甑山城在西十四里石等

周一千二百六十尺今內有井一 青山城在東一里石等

周一千八百尺今麻內有井三 嶺路羅所峙見青陽嶺路作羅以峙炭

峴石城界

石城山城在北五里世傳三韓時所築有遺址○嶺

路白也峙扶餘界梨峴尼城界三峙路南

燕岐補城山城在東一里石築周二千六百七十一尺今麻○嶺

路大峙見全義嶺路

舒川邑城石築周三千五百二十五尺有東南二門高十尺雉城二十七

內有泉五池二 古邑城在南六里靈鷲山頂世宗

時以其地欹側阻絕移于今治補舒川浦鎮城在南

二十六里中宗九年石築周一千三百一十尺高北尺○嶺路夫

蘇詩

見鹿仁

猪嶺

並鴻

金福峴

瑞山邑城石築

周二千七百七十尺高十二尺

內有井三外有小溪

流八城中

北山城石築

周一千六百八十尺

內有井三補

地谷廢縣城在北三十里石築

周一千二百七十尺

補波知

島廢鎮城在北三十里石築

周一千三百三十七尺高十一尺內

有井一中宗十一年築○嶺路武陵峴

唐津

溫陽排方山城在東八里石築

周三千五百三十尺內有井

二高麗初庾黔弼所築○嶺路小率峴

禮山角屹峙

公州界

鴻山古邑城在南一里石築

周一千二百七十尺內有井一

山城在北三十里里我眉山南石築遺址尚存○嶺

路九折坂

見蘆浦嶺路

青陽牛山城在北一里石築

周二千二百十六尺今廢

內有井

二○嶺路吾里峴

路西餘道峴

保寧界

羅以時

見扶餘嶺路作羅所

時峯五嶺

鴻山界

補大興邑城輿覽石築

周一千一百十五尺今廢

內有井一云而

邑誌云今未詳其基址

任存城在西十里

周五千一百九

十尺今廢

內有井三百濟福信等拒劉仁軌于此高麗太

祖攻百濟任存城殺獲刑積等三千餘人即此○補鳳

首山城備局謄錄有廢城○

嶺路車踰峴

見公州嶺路作車嶺

庇仁邑城石築

周一千一百六十八步高三丈築十二甕城二

內有井三**補**

古邑城輿覽一在治東二十六里土築

周五百三十尺

有井一 一在治西二里土築

周八百二十尺並今

內有井

一○嶺路夫嶺峙

見舒川嶺路

藍浦邑城石築

周九百五十步高五丈築二十六甕城三

內有泉三**補**馬

梁鎮城輿覽在縣西三十三里中宗庚午石築

周一千三

百七十一尺高九尺內有井一○

嶺路馬峙

東九折坂

見鴻山嶺路

結城邑城石築

周三千三百二十尺高十四尺

內有井六**補**神襟

城輿覽在縣北五里土築

周一千三百五十尺今

保寧邑城

周二千一百九尺高十二尺

內有井三世宗十二年築

補水軍節度使營城在西二十里石築

周三千一百七十四尺高

十一有四門內有井一池一中宗五年築我峴山

城在西八里石築

周七百四十尺今廢

唐山城在東四里石築

周一千八百十尺今廢內有井一

牙山貢津倉城在西十里大迺山上光海十三年石

築

周三百八十尺高五尺五寸

內有漕倉

於羅項山城在東二

十里石築

周三百六十三尺高十尺今廢

水漢山城在東十里石築

周一千四百二十尺高十尺今廢

鶯卑山城

輿覽作鶯里

在東二十里石

築

周六百五十五尺高七尺今廢

新城山城在西有二城連築北城

石築

周四百八十尺高十尺

內有井一南城土築

周四百八尺高四尺今廢

昔平澤人避亂于此仍號平澤城

新昌邑城

柳馨遠輿地誌作鶴城山

在西一里石築

周一千二百十三尺高十

五尺內有井

禮山無限城在西九里石築

周二千二尺今齊

內有井一○

嶺路蘓機硯

溫陽界

海美邑城石築

周二千二百十步高十三尺雉城三百八十甕城二

內有井六

○餘美縣城在北三十里石築

周八百八十尺今齊

城山城石

築

周一千四百三十尺今齊

大城山城石築

周九百六十尺今齊

唐津邑城石築

周一千九百十四尺今齊

內有井二世宗二十

二年築

補

唐浦廢鎮城在西三十四里中宗九年石

築

周一千三尺
四十尺今齊

清安嶺路粉峴

清州界

松峴

椒峴

仇自隱峴

陰城水精山城石築

周一千二百七十尺高丈餘今齊

內有井一補

雪城山城備局膳錄有廢城

補堤川紺巖山城在北四十里

邑誌周三萬二千六百尺絕陰不用築

補大德山古城在北二十里補齊非即山古城在西

十五里補城山古城

右三城並不
知何代所築

○嶺路拜峙大

峙

朴達峙

忠州界

補清風嶺路竹方峴

西北路

加羅峙

西路吾峙

巖城遷

並南
路

補天安王字城輿覽在東北十里三平山高麗太祖駐軍于此尹繼芳奏以為五龍爭珠之勢因築壘觀兵賜名王字城

補永同邑城輿覽石築周二千四百一十尺今廢

補泰安邑城輿覽石築周一千五百六十尺高十二尺內有井四

太宗朝築補所升浦鎮城輿覽在西二十三里中宗

九年石築周二千一百六十尺高十一尺補安興山城備局謄錄

補周三千六百二十五尺雉堞六百五古泰安城輿覽在東三十里掘

浦今廢補白華山城輿覽在北石築周二千四百一十尺今廢內有

井一補葺城廢鎮城輿覽在東十四里石築周一千三百五

十三尺
今麻

補

沔川邑城輿覽石築

周三千二百尺
高十五尺

內有井二 蒙

山城輿覽在北四里

周一千三百尺
今麻

內有井二

補

德山邑城輿覽石築

周二千六百尺
五十五尺

內有井二

柳成龍曰忠清道勢與京畿相連當修鎮管之法而於忠州公州洪州清州各置鎮管使之各率所屬軍兵以時鍊習而於天安溫陽設為中營內以衛護京畿外以控制四鎮則此實汪立信建閩之遺意高麗太祖以天安在忠清道中
央置都督府鍊兵其慮遠矣而地形之可據又

可見矣○京城以漢水為固然若忠州有失則
賊兵從上流而下如屋上建瓴而不可防遏若
忠州得全則賊雖來而當泛下流其勢稍緩矣
忠州之重蓋與京城相等鎮管之人必宜察擇
而任之

